

KA KOT PULE KHASI

KLASS V

Edited by :

Mr. F. M. PUGH, M. A.,

**Fomerly Asstt. Headmaster,
Mawkhar Christian High School, Shillong.**

*Approved as Text Book for Khasi
Vernacular by the Government*

Published by :—

**THE KHASI JAINTIA PRESBYTERIAN SYNOD
K. J. Presbyterian Synod Church House,
MAWKHAB, SHILLONG.**

SCHOOL SECTION

KI JINGKHUNG

LYNNONG

I	PYRSHANG PYRSHANG PAT (Mr F. M. Pugh, M. A.)
II	U Syiem Uba stad	3
III	U Myrs ang Bad Ka Keing	4
IV	Ka Samoi Ki Jingai Sngewbha	6
V	LA DANG SAW KA TYNGAB	8
VI	U Patsha Bad U Pukir	9
VII	Ka Pynlap Baeif (Mr. F. M. Pugh, M. A.)	12
VIII	U Pukni Bad Ka Miaw	14
IX	TREI BORBAH (Mr F. M. Pugh, M. A.)	16
X	Ka Daw jong Ka Jingiasbun Hapdeng Ki Khnai Bad Ki Khun Syiar (Mr F. M. Pugh M. A.)	18
XI	Ki Matlah Ka Hindustan (Mr. F. M. Pugh, M. A.)	20
XII	U Syiem Shrieih (Rev. T. Rodborne, B. A., B. D.)	24
XIII	KA POB PREMMIET (Miss. M. Khongwir, B. A.)	27
XIV	Ka Shrimati Vijaya Lakshmi Pandit (Rev. T. Rodborne, B. A., B. D.)	28
XV	Kaba lai Minot (Rev John Roberts, D. D.)	32
XVI	Ki Khlor (Rev T. Rodborne, B. A., B. D.)	37
XVII	U LAPBAH (Mr F. M. Pugh, M. A.)	38
XVIII	Wat Tyngkai Ia Lade Na Ka Bysta Ka Babha (Mrs. K. Lyngdoh, B. Sc.)	40
XIX	Ka Noh Ka Likai (Rev. T. Rodborne, B. A., B. D.)	43

Reference
not to be lent out

State C. I. Library
Shillong.


LYNNONG	SLA.
XX Ka Khot Ssalap ... (<i>Mr. F. M. Pugh, M. A.</i>)	47
XXI Kaba Pun Jingkleng ... (<i>Mr. F. M. Pugh, M. A.</i>)	49
XXII KA RI BASUK JANAI ... (<i>Mr. F. M. Pugh, M. A.</i>)	52
XXIII U Phan Ha Assam ...	53
XXIV Ka Kheht Kwai Kheht T ympew ... (<i>Mr. F. M. Pugh, M. A.</i>)	57
XXV U Christopher Columbus ... (<i>Mr. F. M. Pugh, M. A.</i>)	60
XXVI KA JINGIAM BRIEW KA KMIS ...	64
XXVII Ka J ingiathuhkhana Shaphang Artylli Ki Nongbah ... (<i>Mr. W. G. B. Marweiff</i>),	66
XXVIII U Mohandas Karamchand Gandhi ... (<i>Rev. T. Rodborne, B. A., B. D.</i>)	74
XXIX U Jak Bad U Jyntang Bin Bynta I ... (<i>Rev. John Roberts, D. D.</i>)	81
XXX U Jak Bad U Jyntang Bin Bynta II ...	84
XXXI U Jak Bad U Jyntang Bin Bynta III ...	86
XXXII U Jak Bad U Jyntang Bin Bynta IV ...	89
XXXIII U Jak Bad U Jyntang Bin Bynta V ...	91
XXXIV U SIM PUHDIENG ... (<i>Mr. S. K. Lyngdoh</i>).	94
XXXV U Khuo Sarong Awria ... (<i>Na ka Baibl</i>)	97
XXXVI Ka Sim Aka-Akaw ... (<i>Mr. F. M. Pugh, M. A.</i>)	100
XXXVII Ka Ktien Khasi (Adverb) ... (<i>Rev. John Roberts, D. D.</i>)	102
XXXVIII Ka Ktien Khasi (Ki Adverb shuh shuh) (<i>Rev. John Roberts, D. D.</i>)	105

LYNNONG I

PYRSHANG, PYRSHANG PAT.

1. La ka lynnong minot thop,
 Pyrshang, pyrrhang pat ;
 La na edang phim lah ban jop,
 Pyrshang, pyrrhang pat ;
 Te pynpaw la la jingahlur,
 Iai ialeh bad iai iatur,
 Te phin jop, lad phi lur,
 Pyrshang, pyrrhang pat.

2. La shiwat arwat phi rem,
 Pyrshang, pyrrhang pat ;
 Te phin shem chatduh kan jem,
 Pyrshang pyrrhang pat ;
 Kam long biot ba phi pyrrhang.
 La phim jop ba ka ba edang ;
 Ba phin stad bad ba phin nang ;
 Pyrshang, pyrrhang pat.



3. La phi shem ka kam ka eh,
 Pyrshang, pyrshang pat ;
 Soh phin kheit na jingialeh.
 Pyrshang, pyrshang pat.
 Baroh ba kiwei ki lah,
 Phi phim lah da jingialehah ?
 Imungi dngong-bad kynmaw sah
 Pyrshang, pyrshang pat.
-

LYNNONG II.

U SYIEM UBA STAD.

Shisien la don uwei u syiem uba don bun ki shakri shakor. Namar ba u long uba dei leit jingleit bunsien, u la dei ban shaniah ia la ka iing ka sem bad ki mar kordor baroh ha ki. Bun snem u la sngewhun shibun ia ka jingtrei bad ia ka jinglong jong ki namar ki la sumar bha ia kiei kiei baroh. Hynrei ha kawei ka por, u la kyndit ban shem ba don ki mar kiba la jah noh. U sngew eh ban tharai sniew ia kine ki brieve jong u ha kiba u la shaniah baroh shilynter ki snem. Hynrei katba nang jah ki tiar, um banse ban tharai ba dei uwei na ki. Hyarei um tip uno na ki uba la kylla long u nongtuh. U la thaw buit kumne ; ha kawei ka miet, u la khot lang ia ki baroh bad u la ai ha ki mar mar uwei u dieng. Kine ki dieng ki long mar katjuh ka jingjrang, bad u la ong ha ki, "Kine ki dieng ki long kiba don ka jadu ha ki, ha ka kti uba hok kim lei lei, hynrei ha ka kti u nongtuh ki trei ha ka rukom ba phylla, ki nang jrang. Te to khie leit noh mynte bad lashai mynstep phin wan rah ia ki khneng ba ngan dup peit ia ki."

Kumta ki la ialeit noh sha la ki kamra, bad baroh, lait tang uwei, ki la iohthiah suk kynjai. Uto uwei pat um iohthiah satia, uda kymaw ia kita ki ktien bad u pyrkhat da kumne un lait na kane ka jahburom. Te u la khie na la ka jingthiah bad u la ot noh shilyngkhot na uto u dieng da kaba kymen ba ynda trei ka jadu un

laryngkat bad xito kiwei ki dieng Ynda kum
lasha myustep, u syiem u la khot ia ki ha khmat.
bad u l pet ia ki dieng, u shem ba uwei na ki
u kham lyngkot bad hangta u la iathuh ba dei
ut ub. l. lylla nongtuh

U syiem u la tip ba ka jadu kam shong ha
u dieng hyurei ha ka jingiatiplem jong u briew.
Ka long kum ka shakuriaw kaba riew hapoh ka
dohnud jong ngi haba ngi leh ia ka bym dei.
Lada phi iuh roit ia ka bad len jubor ia ki jing-
maham jong ka, kan poi ka por ha kaba kam
kren shuh bad phin long kum ka lieng khlem
boitha hapdeng ka duraw ka jingim, hynrei
lada phi shahshkor ia ka jingbthah jong ka
kan ialem ia phi sha ka jingsuk bad jinghun
mysiem.

LYNNONG III.

U MYRSIA. G BAD KA KSING.

U myrsi ng ub. la thugau bha ba u la duh
jugbam la kham slem, u leit lap kawei ka syier
ba krad jugbam ha trai uwei u dieng. Halor
ujuh u dieng don kawei ka keng ba teh mano-re-
mipo. Haba ka lyer ka beh, kane ka ksi g ka
shait riew ba sympat ki tuat dieng.

U myrsiang sa ba un kynrup ia kata ka syiar, hynrei hamar hangta riew ding ding na shatei shaneng. "Wa," ong u myrsiang, u mied artad shatei sha arted. "Hangta te nga la lap ka mrad kaba sngaid : Ban ioh bam kat katei te la hun bha phi. Ka doh kan leit pep shano ban haig ha ba ka ktien ka pyumih kaba la thiang sat. Ban ia pyrshang bad kane te ine i syiar ban peit ruh ym i iapdor shuh.",

Khlem buh jingmut ei ei shuh ia ka syiar, u la kiew ia uta u dieng. Jait ba ki myrsiang kim da snah eh ban kiew dieng, u shu ia par lap mian-pa-miar ; te, haduh ba un da poi sha ka ksing. Ka syiar ka la sied iap sha ling sha ba don briew, bad um ioh shuh ia ka.

U myrsiang u la piam khak ia ka ksing bad u la tar lyngkhot lyngkhot ia ka da ki bniat. Hynrei ynda haba u shem ba ym don ei ei, hynrei tang ka snep tyrkhong bad ki dieng ba la kyllan rong, u ong, bad ka jaw ummat artad, "Kat nga u khua ka bieit ym ju don. Nga shu duh ei kat ka syiar kaba shngiam doh tang na ka bynta ka ksing kaba dap tang ka jingsawa bad ka lyer suda. Ba ngan da kem ei da kato ka syiar, nga la ioh ei shisien bam haduh ban da kdang."

*Wat iabek ia ka rongphong ioh phn wan
hyll wan am*

LYNNONG IV.

KA SAMOI KI JINGAI SNGEWBHA.

Ki khynnah rit baroh ki dap da ka jingkmén suda haba ki pyrkhat lypa ia kiei kiei kiba bha bad ba sngewtynnad kiba kata ka sngi ba khraw kan wanlam ia ki. Lehse ki kmie ki kpa ki la khreh lypa ia bun ki jingai sngewbha ia la ki khun, ki lok ruh ia la ki paralok. Hooïd, ki khun bynriew, shityllup ka pyrthei ki ialeh sngewbha ha ka sngi Khristmas bad ban pyndonburom ia ka da ki jingia-ai sngewbha, namar ka jingsuk bad ka jingkmén jong ka Khristmas ka long ha kaba ai.

Ka don kawei ka jingrwai kaba ki briew ha ri Bilat ki shait sngewbha eh ban rwai ha ka por Khristmas, kaba iathukthana shapheng uwei u syiem uba bha, u Syiem Wenceslas.

La ong ba shisien ha kawei ka janmiet tlang ba khrist that that bad ba kynjah, katba ka ior ka nang hap ka da taplup ia ki lum ki them bad ki khlaw ki btao baroh, ba une u Syiem Wenceslas u la iohi na ka jingkhangiit jong ka ling syiem jong u ia uwei u tymmen ba u dem shitom ban khar diengiap. Teshi syndon, u la khot ia uwei u khynnah aba shakri ha ka lingsyiem jong u bad u la ong ha u, "Peit utai u tymmen bapli to iathuh ia nga, lada me tip, u dei uei bad hangno u shong?" U khynnah u la jubab, "Ko Syiem, u shong shatai sha shiliang lum palat ar sudi sangno."

Mar kumta hi, u syiem u la hukum ia uta u khynnah ban khroh ka bam ka dih, ia ka doh, u kpu bad ruh shibun ka dieng ban thang; nangta u shim ia ka sharak bad u ong, "Ale, ma me bad ma nga, ngin ia leit lam ia kine sha utai u tymmen, namar ngi dei ban peit ba ha kane ka miet u tymmen bapli un ym shitom ei ei, u dei ban ioh ia ka jingsuk ka met bad ruh ia ka jingtngen ka mynsiem."

Kumta, ha kata hi ka miet, khlem kheif ia ka jingdum ia ka jingkawut ka lyer bad ka jinghap jong ka ior, u Syiem Wenceslas bad uta u khynnah ki la iamih bran ban leit wad ia uta u tymmen.

Ha shiteng lynti u khynnah u la sngewshitom shibun bad u la ong. "Ko Syiem kynrad, ka bneng ka dum than eh, bad lehse ka lyer kaba bah katne katne ryngkat bad ka ior, kin pynbakla lynti ia ngi. Nga la daitthah baroh shiryngieng, nga sheptieng ngan ym lah isid shuh." "Khynnah tipsangi," la jawab u syiem "pynshlur ia lade, to bud ia ki dienjat jong nga, sa khyn-diat ngin sa lait na u thah bad ka ior."

Uta u khynnah u la kohnguh; u la bud ia ki dienjat u kynrad jong u, u da sngewkhlaiif bad sngewshngaiif shisha, haduh ba kin da poi sha uta u tymmen bad ioh ban pyndep ia ka jingthmu ba bha jong ki baroh ha ka ling jong u.

Ngì lah ban iohi shibun kiei kiei na katei ka jingiathuhkhana, kum ka jingsengewrit, ka jingsangewlem, ka jingsbun bad ka jinglenlade.

LYNNONG V.

LA DANG SAW KA TYNGAB.

1. Ko hep khyannah ka ri Khasi,
To long baroh kiba tipsngi ;
Na jingthiah khie la dang phyrngab,
Ha por ba dang saw ka tyngab.
2. Tang shu khie joit na kaba thiah,
Thet la ka kti, bta la ka khmat ;
To sliew ka ding, ka iing ruh sar,
Da khmih ban khuid bha baroh phar,
3. Leit tong ka um leit tong ka wah,
Ynda la sngi ban ap wat kwah ;
Pyndep la kam ha iing ha sem,
Leh smat leh sting wat ju pynslem.
4. Kumta baroh ia i mei i pa,
Phin da pynkhreh kin dup sngewbha ;
Ko hep to long tipsngi shisha,
Pyrthei kan ong. "Khynnah ba bha."
5. Nangta la kot la sla to shim,
Pule minot ban stad ban nang ;
Ban da kynto, hei, ka ba sniew,
Wat ju ap ioh rkhibeiñ ki briew.
6. Kumta hep phin man briew long briew ;
Jingiaroh ruh n'U Blei n'u briew ;
Lashai shisngi phin long rangbah,
Uba ka pyrthei ka shaniah

LYNNONG VI.

U PATSHA BAD U PUKIR.

Ha kawei ka janmiet, mynta la shihajar snem palat, u Sharlemetu (Charlemagne), u Patsha Bakbrow, u la shong hamar jan jingkheng ka iingsyiem b. itynnad jong u harud ka wah Rhine. Hamar kata ka por uwei u pukir uba iduk, u la iohi ba u wan na ka lynti kaba lam beit namar rud kata ka iingsyiem. Haba u la poi hamar pyrshah kiba ap santari, u la kylli ia uwei na kita la u lah ne om ban thiah basa shimiet ha kata ka iingsyiem, u da ong artad ba u la thait bad la thngan namar ba u la iaiaid jngai shibun naduh la dang step phyrngab.

“Pukir,” la ong uwei na ki santari ia u, “kane kam dei ka iingbasa—khie iaiaid la ka lynti.”

Uta u pukir u la iaiaid la ka lynti, u da imat sngewsih shibun eh. Hamar kata ka por u patsha u la khot ia u (u la lah iohsngew ia kata ka jingiakren kaba bad u bad uta u s ntari), bad u la kren ha ki ktien jali jaum kumne: “to pu-ir ba bha, kane ka iing kam long ka iing shongbasa ki uongleit jingleit, hyndrei dei ka iingsyiem jong nga, bad nga dei ma nga

u Sharlemein, to hih kane ka muhor ksier bad to nang leit ha la ka jingleit; ha lyndet utai-tai u lum, hamar trai phin shem iwei i nongrit ibarrit, hangta da kaba jem phin ioh lingbasa.

Ynda u patsha u la lah kren, u pukir u la kylli ia u, "Kane ka iingsyiem ka long ka jongno sanphew snem mynahuwa?"

"Oh, ka long ka jong i parad keifi" la jubab u patsha. "Hadien i parad jong phi ka la long ka jongno?" "Ka long ka jong i pa keifi," la ong u Sharlemein. "Bad ynda la iap i pa jong phi? Wa! ka long ka jong nga keifi mynta," la ong u patsha. "Bad ynda la iap ma phi kam sa long pat ka jongno?" Ka la long sa kawei pat ka jingkylli u pukir ia kaba u patsha u la jubab—"Kam sa hiar pateng sa ha u khun jong nga u Lewis keifi hadien jong nga." U pukir u sngew mynta ba ka la poi ka por kaba biang ba un shah ha ka dohnud u patsha ia ka jingbikai kaba u la wan khnang ban ai ha u—namar naduh kaba mynnyngkong hi u la lah tip ia kata ka iingsyiem ka long ka jongno—bad u kren ha u ia kine ki ktien—"Hato ka iingsyiem baroh kaba kum kane, kaba hiar pateng na uwei ha uwei pat, kam dei tang ka lingbasa? Ki trai uwei hadien uwei pat, ki shong ki sah ha ka shibit-por tad ynda la khot ia ki sha ka ling shongneh. la Baeng."

U patsha, joit, u la ieng na la ka jingshong bad u la shim ia ka kti u pukir bad u la ialam ia u shapoh kata ka lingsyiem, u da ong ruh artad ia u—"Nga angewnguh ia phi na ka bynta kita ki ktien jongphi, ko pukir, nga iohi mynta ia ka jingthmu ka jingwan jong phi sha ki rud ka wah Rhine, bad nga iohi shai mynta ba nga ruh nga long tang u nongleit jingleit, bad ba kane ka lingsyiem ka long tang ka ling shong-basa. U syiem ne u nongkhrong, u riewbha ne u riewduk, ym don daw ei ei satia ban sarong; baroh ki long tang ki nongleit jingleit. Phi dei ban bam jamiet bad nga mynta ka miet, bad phin thiah basa ruh artad ha ka lingsyiem jong nga. Lashai phi lah ban leit ha la ka lynti, hynrei ki ktien jong phi kin iaisah bad nga."

LYNNONG VII. KA PYNIAP BSEIN.



Shisien, haba ngi dang ialoit baroh arngut, ngi leit poi sha ki lawbah lawsan kiba la ishyrkhei ban peit. Katba ngi nang iaiaid, ngi la iohi ia ki bseiñ kiba heh kiba par nator ki dieng. Kine ki par lweng-shi-lweng na tnat ki dieng bad kyllaiñ ia lade ha ki dieng. La ishyrkhei ban peit. Ngim shym ianud siat. Don na kita ki bseiñ kiba heh ka khlieh kat ka khlieh masi ne kulai. Haba ki ang ka shyntur ! shyrkhei ban peit. Ki da sei lir lir la ki thylliej pait pnat. Kim ju puh hynrei ki shu kyllain ia ka mrad,

khñiot ia ka met da kaba kyllaifi tyllai ne jymie bad sa bam suk. Hamar hangta ngi iohi ia ka skei ba ka shah riam. Ka nang rynsied napdeng ka thliow jingkhong ba u pynap. ka shu shah khñiot trap suki. Don napdeng kita ki bseifi kiba phra bad shiphew pruh ka lynter.

Ngim sngewmyntoi ban shu pyni p ia ki namar ngim ju bam doh bseifi, la shisha ngi iohsngew ba don kiba bam bad bang ia u

Hynrei ynda ngi mih shabar kata ka khlaw ngi lap da ki briew sawngut kiba rah ia ki nar tyndung kiba syriem kum ki shalyngka tang ba kiba rit Bad ha kjat jong ki lypun, dem uta u jait bseifi uba shiphew pruh ka lynter. Ngi la lyngngoh la jia aiu Ynda ngi kylli ki la iathuh ia ngi kumne :

“Ngi la buddien ia une u bseifi la slem,” ki ong, “U la bam ia ki blang ki masi jong ngi bad pynjulor ia ki jingri jingdup jong ngi la jhor. Te ngim lah shah shuh, ba kumta ngi la iakut jingmut ban iabeh thong ia u bad ban pyniap. Katba u dang par ha madan, ngi la mareh ban sum da ki sum jong ngi. U la sdang ban kyllaifi ia ngi, uwei hadien uwei kat uba shang shajan. Hynrei namar ba ngi iabun, uwei u dung na ka met uwei na ka ryndang, uwei na ka tdong katba u nang khum ia ngi. Ha kata ka ruom ngi la lah ban pynmong bad pynmynsaw ia u bad ban pynpang de Ynda u la pang um banse ban pyusumor ia ka jingkhum jong u ia ngi.”

Ngi la iasngewtriem her ban sngap. Wat ngi da ki suloi arngut ruh, ngim sngewnud ban da iabeh thong ia u. Lada u beh ia ngi bad ba ngim banse shuh te kata ynnai ia oug. Hynrei ban da leit wad bad beh khnang ia u khlem suloi, ka long ka jingsengewlyngngoh hapdeng jong ngi. La kumno kumno, ngi la iakhublei khatduh ka leit shang sha kiba kum kita ki jaka, bad ngim ju poi pyrkhat ba ha ri Khasi Jaintia jong ngi ruh kynrei pleng ki seiñ heh kiba kum kine

LYNNONG VIII.

U PUKNI BAD KA MIAW

Halor uwei u lum uba harud wah, la don uwei u dieng uba thliew hapoh : bad ha kane ka thliew u la shong u pukni. Ha ki tnat jong une u dieng pat bun bah kiwei kiwei ki jait sim ki wan iashong iasah bad ki iarieh tngen hapoh ki sla jong u. Une u pukni u la tymmen oh haduh ba u la byrie ki khmat bad ba la khlar ki tyrsim. Baroh ki sim kiba iashong iasah ryngkat ha uta u dieng ki dap da ka jingsengewaynei ia u tymmen uba pli. Ki shait ia pyntam jingbam mar mar khyndiat bad ki wan ia ai ia u. U tymmen pat ruh haba ki leit shang wad jingbam, u ap ting ap sem ia ki bad u ia khmih ia ki khun rit jong ki. Kumta ki la iashong suk shong seiñ shiban ha uta u dieng.

Ha kawei ka sngi, kawei ka miaw ka la wan par siar sha uta u dieng ban ioh bam doh ia kita ki khun sim. Tang shu iohi ia ka, ki khun sim kiba don hapoh skum ki la khaweit haduh bym don pyrthei shuh bad ki la lynfiar kaw.

“Pha kaei ?” ong u pukni, “pha wan leh aiu shane ?”

“Nga ka miaw, kynrad syiem,” ka la ong “Nga shu wan tang ban khublei sngewbha ia phi.”

“Khie noh,” ong u pukni, “ngam kwah ia kata ka khublei jong pha. Lada pham leit kumne kumne, ngan patar lyngkhot lyngkhai ia pha”. Hynrei ka miaw ka shu kren pynjem katba lah ia u pukni “Da sngap seh, kynrad, ngan da kren, ka la ong. “Ynda haba nga la kut hi la ka nia te, yn lei, haba phi da sngewdei hi ha ngan iap ruh, ngam sngewpher ei ei. Nga te nga dei ka thei bat niam kaba wan shong pukir marwei hangne harud wah. Nga ham tang da ki jhur ki jhep, nga la bat jingsmai ban ym bam doh. Te nga wan sha phi, ko kynrad, jait ba phi dei u riewtymmen uba la lum shibun ka jingstad, ba phin hikai ia nga ia ki aiñ blei bad ia ki aiñ briew ”

Da kine ki ktien ka miaw ka lah ban thok ia u pukni tymmen bapli Kumta ka la ioh ban sah ha kata ka thliow dieng ryngkat bad uta u pukni. Ka la ioh sah hangta kham slem, ka ia leit iawan katba ka sngewbit. Teng teng ka kem klep bad ka ham ia ki khun sim iwei shisien bam

haba ka thngan. U pukni uba pli, ba u la byrie
ki ahm t, uu leit iohi shano ia ki kam runar
ka miaw.

Hadien hadien, haba ki sim kmie ki la iohi
ba shu jah lyngaid kumne ki khun jong ki, bad
ba ki la iohi de shane shatai ia ki shyieng jong
ki, ki la suba ba dei ka miaw, kaba la bam doh ia
ki. Ka miaw, de ynda ka la sngewthuh ba ki
sim kim shaniah ba bha shuh ia ka, ka shu jah la
ka jah khlem wan mih shuh sha uta u dieng.
Hangta keifi ynda haba ki sim ki iohi ba ka la
leit ka miaw, ki suba sa ia u pukni uba pli ba u
la iabuit lem bad ka miaw, bad ki la iapyniap
ia u.

*Wes la bha biest ym kham lait koit ban iap la
ka met.*

LYNNONG 1X.

TREI BORBAH

1. Lehi ia kaba dei,
Dei kata ban leh,
Bor bah jong phi sei,
Trei bad trei tyngoh.
Wat ju kheifi long katba long.
Wat ju kheifi la doh,
Bad pynoh la ki tyrpeng,
Shaphrang kynjoh.



2. Phin sa long ruh ki rangbah,
Ba sbun bad babha,
Phin sa ioh ruh ka borbah,
Lada phin trei bha
Wat ju kheifi ia la jingsangew,
Klet ia ba la dep.
Trei ki kam baroh mynta,
Trei bad pyndep
3. Wat ju phohsniew man ka sogi,
Trei kat kaba shang,
Panpoh la ka syngkai ruh,
Shlur bad leh shynrang
Wat ju kheifi shiwat arwat,
Wat ju kheifi la lait ;
Ieng to ieng ha la ki kjet,
Iai tar sha khmat.

4. Don Uwei ba ieit ia phi,
 Dei Uba tip bha,
 Dei Uba man la ka sngi,
 Shong bad phi U kwah.
 Trai U la ialeh baroh.
 U la jop ia ki.
 Shim ia U kum ia u Lok,
 Lynter lynti.

LYNNONG X.

KA DAW KA JINGIALOK HAPDENG
 KI KHNAI BAD KI KHUN SYIAR.

(Khanatang na Ri Naga)

Naduh ba thaw ia ka pyrthei haduh ka sngi
 bym ia banse shuh, ki khnai bad ki khun syiar
 ki la ju iaieit iathoifi bha.

Ha kawei ka sngi haba ka kmie syiar ka
 dang thir ksai, uwei u khnai samla u la wan
 ialehkai bad ki lok khun syiar. Ki la ialeh bun
 ki jingialehkai sngewbha bad ki la farwai ki jing-
 rwai sngewtynnad bad ka jingiarhie tahoh ha
 kiba kut jong kawei-pa-kawei ka jingleh. Shi-
 sien ka leit jia ha kaba uta u khnai u dang
 rykhie ba ki bhat tep jong u ki leit kum dkhat
 ia u ksai ba ni uba ha ka jingthamjath ka syiar,
 ha ka jingbym.

Ka syiar ia ka jingbhar abh jong ka ka
 la ong, "Ii! Iiw! u khnai rube, maho ba la
 hikai ia me kaba bhat maho ka bhat bieit ?

Runar ! ka shong hok bōn khun bynrlew ruh un
ish ia me, khun ka nongtuh ! Baroh ki kam
jakhia ki mih na ka mynsiem runar jong me,
Mih shisyndon bad wat wan phai shuh.

U khnai u la leit noh khlem kren shikyntien,
bad u la ialehkai pat bad ki khun syiar. Hynrei
ka syiar kam hun satia bad baroh kito ki ktien
ba ka la kren ha u khnai. Ka la pyrkhat
khuslai katta katta ia u ksai ba dkut ba kumta
ka la kut jingmut ban de leh tyngoh ia ano u
khnai. Bad kumta ka la thaw buit kamno ban
leh. Ka la pynhap khnang ia u tier thair hapoh
madan bad ka la ong ia uta u khnai, "Ei ! Ith !
katno phi iphuh mynta ? Samla, ale hangna !
Phin sa nang kham i bhabriew shuh shuh lada
phin pynioh ia nga ia ka tier ba nga kum pyn-
hap shapoh".

Da kaba klet ia ki jingpynkhyllow baroh,
uta u khnai, u la hiar shapoh madan bad u la
wad ia kata ka tier. Ka syiar ha kata ka per
ka la theh um khluid phew helor u khnai. Ka
la long palat ia ka jingpyrkhat jong u. La katta
ruh, da ka borbah baroh kaba par ha ki thied
snam jong u, uta u khnai u la poi top haduh poh
thliew bad u la iathuh ha la ka kmie bad la ki
para khnai ia kaba la jia baroh

Tang khyndiat angi, hadien, ia kata ka jing-
teh duemron ka syiar, la pynawa kylleng hapoh
ki para khnai. Ki syiem khnai ki la khat ia
jingialeng kaba beh hapoh kren u syiem pang-
bah. Da ki lak ki thnat hi iatund aka kataran

jingialang. Ki jingkren pyrshah ia ka syiar na bun ki syiem la pynsugew hapdeng kata ka jingialang. Ka tduh khatwai u syiem rangbah u la ong, "Ko ki khnai", u da pyrta jam ha kata ka jingialang. "kane ka long ka kabu kaba bha eh ia ngi. Baroh shikatta ngi ialong lok long jor bad ka jait bynriew syiar, bad dei kata kaba la pyllait im ia ki da ka jingsngewsynei jong ngi ia ki la ki rymmiang shyntur jong ngi ki jawdud ha ka jingpeit ia ki. Te, naduh mynta ka sngi, ym ba ngi kwah ia ka doh bang jong ki bynrei kum ka kput, yn ym sah khun syiar ba lah ban lait im na nga bad na ki khnai jong nga".


Ka jingialang ka la wai, bun na ki palwan khnai ki la kem iaiaid ia ki khun syiar ha ka lynti iaiaid jong ki sha la ki krem khnai la jong ; bad naduh kata ka sngi haduh mynta mynne ki khun syiar ki shong syier hapdeng ki khnai, bad ki khnai ruh kim ju pyllait ei ia ka jingim jong ki.

LYNNONG XI.

KI MATLAH KA HINDUSTAN.

Ka Hindustan ka long ka madan pyntha kaba iar bad jlan shibun. Ka long kumba shibajer mail palat ka lynter palat sanepah mail ka pyugkiang. Hapoh ka shihajer mail ka shiew tang kumba sanepah phut shajrong. Ka long ka madan bah ka madan san ling-ling-ling palat ba ki khmat ki lah ia ka bau ket. Ka jama rep jong

ka ki long kum ki kper lynnong kyrdan-la-kyrdan ha ki rong har rukom. Hangtai ka stem, hangue ka jyrngam, kham hangtai pat ka saw na ki rong jhur bad jingthung bun rukom.



Ka wahbah Ganges ka iaid kyllaiñ wit-shi-wit la kum u seiñ heh bad lieh ka snep. Hangue hangtai lah ban iohi ia ki nongbah hyndai bad ki kut ba khlaifi sawdong jong ki.

Ki iing ki sem ki long da ka khyndew bad mawit. Ki tnum jong ki ki madan ne sharing khyndiat ba lah ban thad jaiñ ne kba halor jong ki.

Kane ka jaka^a ka long kaba seiseh shibun. Kumta ba ki paid bynrlew ki juh ban shong hangta. Ki rep ki riang. ki kha ki long. ki rot ki par bad ki man bun. Ki pynmih ruh bun ki riewstad riewnang, ki riewdonspah bad ki riewshlur.

Ha kane ka jaka la jia ba don hynriew ngut ki matlah. Kine ki jia iapoi lang shisien bad ki la ju iohsngew shaphang u hati, hynrei kim pat ioh tba da lade. Ki la kwah ban tip u long uba kumno da kaba tba thuh da lade hi.

Uba nyingkong u la tur shajan u hati bad u la iatyngkhuh bad ka krueng ba heh u hati Shisyndon u la pyrta ha ki lok bad u la ong, "Pleng u hati u long uba kum ka kynroh du !"

Sa uba ar u la leit shajan u hati, bad u lap hamar ba u dem. U la ioh tba ia ka bniat hati kaba jlih pyllun bad nep. Shisyndon u pat u la pyrta, "Hei, u hati pleng u long uba kum u sum ba nep !"

Uba lai u la wan ban ktah ia u hati bad u leit ioh bat na u luta. U la syrpaï syrpuð ia u. Hangta u la pyrta. "Em phi, u hati u long uba kum u bseia heh !"

Uba saw hangta mar mar u la leit da lade hi ban twad ia u hati bad ynda u la dem khui ban knor ka kti, u la ioh tba na ki kjat u hati kiba kum u thlong. Hangta u la pyrta, "Phi da ong kumno kumno ruh, u hati u long kum u diengbah !"

Wan sa uba san bad ynda u la adang tare ruma re-re u la leit ioh tba na ka shkor u hati. U la pyrta, "Sa tang u bieit u bym sngewthuh shuh ba u hati u long kum ka trap !"

Hangta la mareh khum khum sa uba hyn-
riew bad u leit ioh kem na u tdong u hati bad u
ong, "Wa ka jingbieit ! Uei u bym sngewthuh
ba u hati u long kum u jyrmie ?

Baroh hynriew ngut ki la ialeit phai sha la
ling la ling bad ha lynti ki la iania pynlah la ka
nia ka nia Uwei-pa uwei u da sngewksan bad
sngewdei ha la ka jong ka jingshem.

*Uwei u alhia u saidlah ba u kham stad ma u
ban ta hynriew ngut ki riewnang riewtip.*

LYNNONG XII

U SYIEM SHRIEH.



Shisien, ha kawei ka por, u sing u la long syiem halor kawei ka hima Lawbah. Ynda u la iap uta u syiem, la iakhib ki paidbah mrad baroh ban iajied syiem thymmai. Don hangta u suri, u myrsiang, u shrieh, u hati, u kulai - khlaw, u masi prut, u kyndat bad shibun kiwei-kiwei pat ki jait mrad, ki da ialang dorbar.

Haba la iatai ni bba, ka dorbar ka la dem jingmut sha kaba u syiem u dei ban long uba heh, uba i-phieng bad shynrang ka rynieng rynniet, hynrei la katta ruh, ban ym klet ia ka jingstad bad ka jingsien.

Hangta u shrieh, ba u da kwah ia ka long-syiem, u la pyrkhut buit ha lade ba lade u lah ban pyni ia la ka jingang jingatad, lehse, kin sa pdiang ban thung syiem ia u. U la leit hapdeng ki mrad, u da pyni ia lade ba u long uba stad da shisha. U la pah, u la shri, u la pynan la ka khmut ka khmat u la ryngkoh ryngkang, u la sdien halor tnad dieng, u la rymaed bad thungbaji ha tbi-an bad u la leh phoila har rukom haduh ba la pynapngiah ia ki pndbah arad baroh. Kumba la shah shoh khaw tyndep, kila ia ong lang ba kat une te ym lah shem shuh uba kham stad. Ki la iamynjur kumta kumta hi ban thung syiem uoh ia u. Ki la khreh la khrum bad ki la pynphong ia ka pansngiat syiem halor ka khlieh u shrieh. Baroh ki la pyni la ka jingangewtynnad ba la ioh syiem thymmai, lait tang u myrsiang marwei uba la jew sew ha lade ia kane ka rai bad ka leh kyrkieh.

U myrsiang u la shong marwei kham pajih khyndiat, u da kyrshut la ka shyntur ha u dieng, bad ka leh sa leh syam bad ka leh shyntum shyndud artad. Hapoh hapoh u la saw kyrang da ka jingbitar bad ka jingatnud bym kai shuh, namar ka jingbishni ia uta u shrieh.

Haba la wai ka dorber, katba kiwei ki dang jaieng ban iakren ai khuhlei bad ai burom ia u syiem, u myrsiang u la par sor ban leit phai noh sha la ling, u da iaid lyngchum jingmut deb deb, u da puson artad ha lynti, yn leh da kumuo.

Katba u dangiaid kumta, haba u la poi ha kawei ka sadium, u la leit iohi shinad ka kait-saw, ba la sdien ha iwei i tnad dieng. Ynda u la leit kham shajan, u la it bniah bad u shem ka dei pynban da ka jingriam.

"Oho, hangne te la biang", u la ong ha la mynsiem. Mar kumta, la shoh kawei ka jingmut ha u, ba un leit iathuh ha u syiem. U la her bak bak sha ka jaka ialang dorbar. U shem hangta ba ki dang sdang iapre ban ialeit sha la ling la ling.

Tang shu poi tiap, u myrsiang u la nguh ngon la ka khlieh ban khublei burom ia u syiem thymmai. "Khublei, syiem kynrad", u la ong, "nga la shem ka jingkynshaw ba la buhrieh bad ba kordor, kaba dei ia ki syiem, ha kane ka hima jong ngi. Lada ka pynsgewbha ia phi, phin wan bad nga, ngan pyni ha phi ia kata".

U syiem shrieh, da kaba sngewphuhmat-phuhmat bad rykhie rymmuia u la laid kynjreng u da bud nadien u myrsiang. Tang shu poi ha ka jaka kaba bit, u myrsiang u la kdew ha u syiem ia ka kait shinad ba la ih bha hois. Mar kumta, ban iakren ei ei ruh ym pat lap, u syiem u la poi hajan ka kait, u la tda neng la ka kti ban kham—hynrei "thlap" la riow ka jingriam, bad khat la khap syngit ia ki shympriah kti u syiem.

U syiem u la ngat ha ka jingriam ! U la iam u la lynñiar namar ba pang bad sngewlehraia. Ban bad ka tieng, u la ong, "Me la shet ia nga



haduh katne !” U myrsiang pat u la rkhié
sammut, “u da khmih lieb iaphai artad bad leit
noh u ong, “Da ma me u syiem ? Lada me
kwah ban long syiem me dei ban kham stad ia
kaba me long !”

LYNNONG XIII.

KA POR PREMMIET.

I.

Naduh ba ka mih ngim ju lah iohi,
Ia ki rong ba ih tam jong ka sngi ;
Pynban dei hamar ka por ba kan sep,
Ka pynmih lut ki rong ba ka tep.

II.

Ha ki lum ki wah, ki at bad ki them,
Ki phalang ki rong ba saw ba stem ;
Haduh ba ngi sngew kane ka pyrthei,
Ka dei ka ri jong ki puri blei.

III.

Kiei kiei kiba baroh shisngi,
La shu mlien bad myllen ban iohi ;
Ha ka shikhyllipmat ki kylla ka dor,
I kumba ki kieng ki maw ba kor.

IV.

Ki syrngiew ka miet ki par suki,
Ban tyllep noh ia ki rong ka sngi ;
Bad kynsan shu thlip:jingdum ka wan stet;
Wa ! Shaei ka jingshai ka ia phet ?

LYNNONG XIV

KA SRIMATI VIJAYA LAKSHMI PANDIT.



Ka Ri India ka la pynmih ki briew kiba khraw lynter ki por bad ki aiom, ha, ha ki sla ka histori jong ka, ki kirteng jong ki ki la paw kum ki khlur kiba phyrnai ha ka sahit bneng kaba dum bnai, Don shibun eh ki khlur ha ki liang ka jingim briew kaba baroh sawdong, la ngi kren na kano kano ka liang, kum ka niam, ka saiana, ka jingsynsher, bad baroh ki tnat jingstad. La ki hima ba khraw jong ka pyrthai, kim pat lah ban fiaw ia ka Ri India bad ki riwkhraw jong ka ba ki long kiba khraw tam ha ka pyrthai, ki nong-thoh history kiba khraw ki nang dem jingmut ban iohi ia ka ba ka long kaba pher na kaba la iohi ia ka ha ki snem shuwa ba kan ioh la ka jingleitluid ha ka snem 1947.

Hangue ngin py-nieng ia ka dur jong kawei napdeng ki khun kynthei ka Ri India, kaba ngi

ki nong-India ngi lah ban kop ia kiwei pat ki ri
ne ki hima ka pyrthei ba kin sei kawei napdeng
jong ki kaba kum ma ka Kane ka dei ka
Srimati Vijaya Lakshmi Pandit, ka para tr i
u Jawaharlal Nehru

Kane ka la don mynt saupnew s u snem
hynrei ka khmat jong ka b d ka met ka phad
jong ka ka dang um ka briew kaba dang
laiphew ne laiphewsau snem ka rta, Ka long ka
briew kaba smat, kaba shalak ha ka trei ka
ktah, naduh ka jabieng haduh ka kti ka kjat.
Buh ha khmat jong ka kano kano ka kam ne
kano kano ka jingeh, ha ka rukom ba jai jai,
kum ka kor ba radbah bad ba ni ka la dep
khala khala ka kam.

Ha ka por ba ka Sorkar Phareng ka dang
synshar ia ka Ri India, ha ka jingialeh bajur
hapdeng ki nong India, bad ka Sorkar, ki rangbah
nongialam jong ka ri ki la shah kem lajan
baroh bad la set phatok ia ki. Ha kito ki ngi,
haba ki rangbah kiba tbit kim don shuh ha
madan, ki kynthei ba shynrang mynsiem ki la
mih madan ban ialem ia u paidbah. Ka
Sorkar Phareng kam shym la pyllait wat ia ki
kynthei ruh. Ka la kem ia ki bad ka la set
phatok ruh ia ki. Bun ki kynthei khun bakhraw
ka ri ki la shah set phatok, bad kawei hapdeng
jong ki dei kano ka para u Jawaharlal Nehru,
ka Srimati Vijaya Lakshmi Pandit

Ha ki khyndiat snem ba ka Ri India ka la
im kum ka hima laitluid, ka Srimati Pandit ka

iatrei kum ka Minister jong ka Sorkar India, ka *Ambassador* (Nongkit Tien syiem) jong ka Ri India ha Russia, ka nongmihkhmat ka Ri India bad ka ioh long President ruh artad ha ka U. N. O. (United Nations Organisations) kaba long ka dorbar bah jong ki hima ka pyrthei baroh. Haden kata, ka shong ha ri Bilat kum ka nongmihkhmat ka Ri India ha kato ka hima, ha kaba ki ktien jong ka hangto ki long ki ktien ka ri India.

Hapdeng ki kam kiba khraw kiba kat kine kiba ka bat, kiba don ruh ki jingkitkhlieh kiba khia, ki bud ki jingiaroh ia ka rukom jingtrei bad jingpyniaid kam jong ka baroh shilynter kat sha kaba ka leit bad kat ha kaba ka buh la ka kti.

Kaba sngewphylla eh shaphang jong ka ka long ba ryngkat bad ki kam kiba khraw kiba ka don ban trei, kam klet ia ki kam khutia kiba rit. Ka synshar bha ia la ki khun bad ia la ka iing ha kata ka rukom ba ka iing ka sem ka dap da ka jingphuhmut phuhmat lynter. Ka long kaba nang bad kaba stad haduh katta katta ban pyn-long ia ki phyllaw iing jong ka ki kper syntiew kiba itynnad, ban pynbeit pynitynnad ia ki kamra ka iingshong jong ka haduh ba ka iing kan da long kat ka iing.

Nangta shuh shuh, kam shanish ia ka iingshetja tang ha la ki shakni shakor. Ka long da lade ni ka nongshetja shetjyntah kaba phas

klas. Ka ling jong ka ka long kaba ju shait wankai ki lok ki jor, ki riewdonburom surom, bad man ka por ba ka ai sha ki kam ju duna ei ei ban buh hakmat jong ki. Kane kam dei namar ba ka la kynshow lypa ki jait jingbam kyrhai ha ling jong ka, hynrei namar ka jingnang jong ka ban pynkhreh jingbam.

Haba ki riew radbah nongialam jong ka ri ki dang iashongkai bad ka, ban iakren sugewbha sngewtynnad, teng teng, ban iarkhie iasammut, ka Srimati Pandit, khalu khala ka la poi sha lingshetja ban shet jingbam bad khalu khala kane ka la wan kren kai krenbiria. Ka lah ban shet ki jait jingbam kiba bun rukom tang ha ka por kaba khyndiat eh, ym lap ba iohi satia mynno ka mih, mynno ka shet, mynno ka thet kti bad mynno ka rung. Ki nongshet jingshet kiba nang, haba ki shet jingshet ki da thew ia ki jait jingkhleh bad musli musla da ka shamoit bad ki sa khleh bad khnoit da ki tier bad da ki kti biang - pa - biang, hynrei ka Srimati Pandit ka pyndonkam tang da ki kti—ka nang ban antad haduh katta ba khuk khak ha ka por ba lyngkot ka nang ban khleh ban khnoit bad pynmih bun ki jait jingbam ha kajuha ka por. Ba kawei pat, ka long kaba lah ba ki briew kiba tang kin shet jingbam kiba bang haba don ki jait jingkhleh kiba biang, hynrei kane ka briew kaba sholek ka khleh bad ka kti ka kiat, ka nang bun pynkyll ia ki jait jingbam tang ha ka shikhyllimat tang kat na ki tier kiba don.

awei na ki khun kynthel jong ka ka iathah ba
i kmie jong ka i lah ban kylla jingbam jing-
khawai na ka ei-ei ruh em.

Ka jingim, ka jingtrei bad ki kam jong ki
briew kiba khraw ka ai shibun ki jinghikai ia
ngi kiba dang kham rit ba ngin iabeh shapbrang
ban kiew ia ki bun jait ki thiep ka jingim.


LYNNONG XV

KA JINGIAIMINOT.

Ki khynnah haba dei ba dei ki tharai ba ki
long kiba nep jingmut, bad kumta ki mut ba ki
lah ban nang kloï ia kaei kaei. Leda phi don
kum kata ka jingmut, beh noh ia ka shisyndon
namar ka long kaba pynsiew. To kut la ka
jingmut ba phim lah ban pyndep ia kano kano
ka kam hynrei tang da kaba trei minot; namar-
kata to sdang ia la ka kam shisyndon

Ym don ka jinglong kaba kham pynsiew ia
uba pule ban ia ka jinglong albia—ym don
jingmlien kaba kham pynjot nator kane; pynban
ka long kaba jem shibun ban mlion ha kane ka
jinglong, bad ka long kaba eh ant ban leit noh na
ka. U briew uba leh albia u kylla long mian-pa-
mian uba jaipeh hi Bad kumta ka phaw-r jong
kito ki riengkhlaw ka ong, un engew bad un ong
ruh de, “Ban ia kaba phet lah kaba isid, ban ia
kaba isid lah kaba ieng, ban ia kaba ieng lah ka-
ba shong, bad ban ia b shong lah ka b thiah”.

Ngi dei ban sngewsynei shibun ia uba alhia ;
naba kumjuh kumba ki ju ong ba don ka
jingangewbha ha ka jinglong lamwir kaba ym
don kiba tip shaphang jong ka lait tang kiba
lamwir hi, kumta ruh don ka jingangewjynjar
ha ka jinglong alhia kaba ym don mano mano
ba sngewthuh tang u alhia hi.



“U para jong phi u la iap ba u pang
kumno ? ” u la kylli u Spinola ia u Sahab
Sir Horas Bier. U ruh u la isthuh, “U la iap
namar ba um don ei ei ban trei keifi.

“Shisha”, la ong u Spinola, “kata ka bang
ban pynlap ia uno uno u orien”. Phi ruh to

phet iap noh na ka jinglong alhia kumjuh kumba
phet na u seiñpuh.

Don artylli ki phawar kumne : “Tang uwei
u ksuid u pyeshitom ia uba minot, hynrei don
shihajar kiba pynshitom ia uba jaipdeh”. Kata
kawei. Sa kane ruh : “Ha la ka sngi ju pynshoi
ia ki briew da u soitan ; hynrei uba alhia u
pynshoi pynban ia u soitan”. Ha sngap !


Kynmaw ruh ba ka jingminot ka pher shi-
bun na kaba shu thurmur. Phi lah eh ban leh
thurmur khlem da minot, bad b'nsien kiba alhia
ki leh kumba kyrkieh eh. Uta u bym trei la ka
jong ka kam, u shait pyrkhat ia kiwei kiwei ki
kam ki bym dei la ki jong, khnang ba un pynklet
ia la ka jingbieit, bad kumta u pynsugewbha ia
lade. Hynrei uba minot um ju kyrkieh. U imat
pynban kum uba lait por eh. Ah katno ka por
ba ngi pynsyrrwa haba ngim trei da ka rukom
ba la buh !

LYNNONG XVI.

KI KHLUR.

Haba ngi khmied la ki khmat sha bneng,
ha ka miet ba dum bnai bad ba shai, ngi iohi ia
ki met bneng ba ngi khot ki khlur. Ha ka por
mynsngi ngim lah satia ban iohi namar ka jing-
phalang ka jingshai jong ka sngi. Ngi pule ha
ka Geography ba ka pyrthei ka long kaba
pyllun. Te lada ngi ieng na kano kano ka
bynta jong ka pyrthei—baroh sawdong ia ka,

ngin iohi kumjuh ia ki khlur ha ka por mynmiet.
 Ki riewstad ki iathuh ia ngi ba ka pyrtnei jong
 ngi ka long uwei hapteng kitei ki khlur ba ngi
 iohi. Lada ngi ioh ban leit shong ha uwei na
 ki khlur ba kham jan, ngin iohi ia ka pyrtnei ba
 ka phyrnai kumba ngi iohi ia ki khlur nangne
 na pyrtnei. Ka long kaba sngewphylla eh ba



ka pyrtnei bad baroh ki khlur ki sdien ha suif
 bneng, bad kata ruh, ym tang ba la shu sdien
 hynrei ki jngi ha suifbneng ha ka rukom ba
 sngewphylla katta katta. Ynda haba la ioh
 pule ia ki kitab Saians ngin sa kham sngewthuh
 kumno kine ki met ki lah ban neh, iaid bad
 her ha suifbneng.

Haba khmied la ki khmat sha jrong, bad ngi pyrshang ban fiew ia ki khlur 1, 2, 3, 4, 5, bad ter ter, ngin shem ba tang khala khala ngi la ngiah namar ba kulmar bym lah satia ban bat. Ki don ki bried kiba iabeh ia ka nam bad ka burom ha ka pyrthei kiba la pyrshang da kaba ialah minot bad ialah tyngoh ban fiew ia ki, hynrei shano, ym lah satia ban leh ei-ei. Ki la bun than haduh katta katta. Ki don kiwei pat kiba la pyrshang ban shu kheiñ ia ki da kaba shu fiew ia ki shuwa tang kumba shi inshi sawdeng katno tylli ki don, nangta sa multiply bad kheiñlang, hynrei kano ka rukom ruh ka long ka bym lah pyniaid. Ka jingbun ki khlur kam long tang kat kiba ngi iohi da ki khmat, ki don ruh ki khlur kiba iasyrtap hajuh bun tylli, kumno ngin tip ?

Nangta shuh haba khmih da ka Telescope kaba khraw tam bad kaba khlaif tam ha ka pyrthei, kaba don ha u lum Palomar ha Amerika kaba lah ban iohi wat ia ka jingshai ka sharak lantern lada buh ia ka jingshai 40,300 mail. Lah ban iohi ia ki khlur shuh shuh ba ki iasyrtap ia ka suifbneng haduh bym lah shuh ban kot ka jingiohi wat da ka jingierap ka bor kata ka tier.

Naba kumta, ki jingpyrshang ki bried ban fiew ia ki khlur ki long baroh kiba lehnohei suda. Ym lah ban fiew ia ki

Teng teng ki khynnah ki ju ong ia la ki kmie : Ko mei ai khlur ia nga uwei : Ai seh mei

ha nga ia u bnai ban ialeh kai. Ha kane ka rukom kum ki khyllung, ki don ki briew kiba pyrknat ba ki khlur ki long kiba rit, bad u bnai u long uba khraw tam.

Ki riewstad da la ki jong ki rukom jing-kheif jong ki ki lah ban thew ia ka jingjingai ki khlur bad u bnai bad ka sngi ruh na ka pyrthei. Ym tang kata, ki lah ban thew wat ia ka jingheh jong ki. Ki ong ba u bnai u long uba jan tam eh ia ka pyrthei jong ngi tang 240,000 mail ka jingjingai bad ka sngi pat ka don 93,000,000 mail na ka pyrthei.

Lada sam lyngba ia ka pyrthei marpdeng na kawei ka tduh haduh kawei pat kan jrong kumba 8,000 mail; lada sam thliw lyngba u bnai kan long kumba 2,000 mail; ia ka sngi pat, kumba 865,000 mail.

Uwei na ki khlur ba jan eh bad uba heh tam ki khot kyrteng u Jupiter, u jngai 890,000,000 mail na ka pyrthei jong ngi, bad lada khlung thliw ia u lah ban ngiam 1,000 tylli ki pyrthei ban thep ban pyndap ia kata ka thliw. Lada ngi lah ban leit ieng ha u Jupiter ngin khmih ia ka sahit bneng, ngin iohi kamjuh ki khlur kumba ngi iohi ia ki na kane ka pyrthei. Lada ngi leit sha kiwei pat ki khlur kiba kham jngai, ki don na ki kiba heh da ki lak bad million shah ia ine i pyrthei jong ngi.

Ha sngap ia ka jingphylla bad ka jingmaian jong kine ki met bneng. Ia ka tnat jingstad

Saians kaba iathuhkhana shaphang ki khlur,
ki khot ka *Astronomy*. . . .

Kawei ka jingkylli kaba phin kwah kylli ha
la ka mynsiem haba phi khmih sha ki khlur ka
sahit bneng ka long, kumno ki la long, bad mano
ba la thaw ia ki ? Ym don jubab ia kine ki
jingkylli lait tang kawei, bad kata ka long :
“KI BNENG KI PYNBNA IA KA BUROM
JONG U BLEI ; BAD KA SAHIT BNENG KA
PYNI IA KI JINGLEH KI KTI JONG U”.

LYNNONG XVII.

U LAPBAH.

1. Hamar kumta kyadit shu lap,
Ba dum ka bneng d'u l'oh ba tap ;
Ba l'er ka beh, te hap u slap ;
La iing la sem ki khang khyrdep,
Ba l'er ba jur ka beh kyrthep.
2. Ki iing ki sem ki dum de ngaiñ,
Sharak ki tbeh ; leilieh laiñ laiñ,
Ka ba ; pyrthat u tied thaiñ thaiñ.
Te sympat jur kynther u slap,
Ba um ia nur, lynti ka dap.
3. Shatri ki kheñ, ia knup ka kdiah,
Ki trap ki her bad ki shylliah,
La kum ki sla ne kum phylliah,
Ba her rosni phanur sha suiñ,
Ba briew ha krem ki dem kum phuiñ.



4. Kiwei ha synrang maw ki rieh ;
 hiwei ha dieng kynshah la khlieh ;
 Kiwei ki iaid, phar rymphat jhieh
 Ki lum ki wah ki sawa da ka um ;
 Riat bah ruh shaid da kshaid
 pynsum.

LYNNONG XVIII

WAT TYNGKAI IA LADE NA KA BYNTA
KABA BHA.

(Ka Prascovie)

Ha ki juk kiba la leit noh, ngi ju pule sha-
phang bun ki briew, tymmen bad samla, wat ki
khynnah ruh kiba da ka jingjysur mynsiem bad
ka jingbymnang ban tyngkai ia lade, ki la kylla
long ka jingkyrkhu kaba khraw ia la ka ri ha
kaba ki don bad ia la ka ling ka sem hi. Kawei
na kum kine ki briew, ka la long ka Praskobi,
ka khun jong uwei u nongialem shipai ha ka
kynhun shipai Russia. Ia une u kpa jongka la
pynryngkangpar mynba ka Praskobi ka dang lai
snem ka rta; kumta phi lah ban mutdur ia ka
jingkordit kaba la wan jia ha ka ling jong ki.

Ka Praskobi ka la duh ia ki jingangewbha ka
jinglong khynnah bad samla jong ka; ha ka jaka
ba kan leit skul kum kiwei pat ki para khynnah
ka la dei ban leit bylla ngi pynban ha lyngkha
krai ki briew. Haba ka dang khynnah eh, kam
pat da snepewthuh eh ia ka jynjar ka lanot ha la
ling, hyurei yuda ka la dap khatsan snem ka rta
ka la sdang peiphang ia kiei kiei kiba la jia ha la
ka ling. Katno ka sngewlem ia la u jong u kpa
haba ka da sngewthuh shai ba ka jingim jong u
ka long ha ka jingma kaba khraw. Ki jingpyn-
shitom beif ki dang ap ia u kpa jong ka bad ka
la iohi shai kdar ba ka dei ban leh ei ei na ka
bynta la u kpa katba kot ka bor jong ka.

Ka Petersburg ka la long ka jaka shong u Patsha Russia, bad ka dang jngai eh na Siberia, ka ri ha kaba la pyoryngkangper ia u kpa jong ka lom bad sa arngut kiwei pat. Ka la leit shat ha ka jingmut ka Praskobi, ban leit shata sha Petersburg ban pan map na u patsha na ka bynta u kpa jong ka. Ki kmie ki kpa jong ka ki la pyrkhut ba ka long ka jingpyrkhat kaba bieit than, bad kumta ki la khang iap khang im ia ka ban leit; ki la iathuh ruh ia ki jingma kiba khraw kiba ka lah ban iashem ha lynti; hynrei hapdeng kiba kat kine ki jingpyntieng, ka la kut jingmut skhem, bad ynda ka la ialeh bad shibun ki jingeh, ka la ioh ka lad ban leit sha Petersburg.

Dang step phyrngap, ka la song mlon la i jaiñ i nep, ka la sei i pisa kat iba ka don ei bad ka la mih bak ban leit sha kata ka shnong kaba jngai. Ha lynti ka la iashem bun ki jingeh kiba khraw, kiba la biang ban pynduh jingkyrmen ia ka, pynban ka la iaïd shaphrang ka da ngeit skhem ba U Blei Un don ryngkat bad ka ha kane ka jingthmu ba donburom jong ka, bad ba khlem artatien u patsha hi un leh isynei ia ka. Kam pat ju iaïd ia kita ki lynti mynno mynno ruh; ki long ki lynti kiba dap da ki khlaw ki btap ha kiba ki jingma ki ep. Haba la kem ka miet bad ka thngan, ka ju rung sha ki lingbriew ban ia kyrpad jaka sah ne jingbam ei ei, bad haba jia ba ka leit poi ha ling ki riwibha mynsiem katno ka angewshngaiñ, bad ka angewim ka mynsiem jong ka; hynrei haba leit jia ba poi ba ling ki riw dukhi khait, katno ba ka diaw bad ka noh

mynsiem, bunsieu ka ju shah ki jinglehbeif bad ki jingkrenbeif na ki hynrei ka shu shah kum ka ksew. Shisien, ka la shah patrong wat ha ki ksew hi haduh ba ki jaif jong ka ki la jot rathai Kiba kum kine bad sa kiwei de ki jingeh ka la iakynduh, hynrei hapdeng kine ki jingeh baroh, ka kynmaw dngong ia la ka iing ka sem kaba don hapdeng ki jingjynjar kiba khraw.

Ka Praskobi, ka thei jylliew jingmut, ka la ialeh haduh kaba kut bad kam shym la duh sstia la ka jong ka bainong. Ynda ka la iaid bun sngi bun taraw, ka la poi ha ka jaka ha kaba ka la thew leit. Ka la sngewthuh ia la ka thait ka jrem, hynrei ka kamram kaba kham khia shuh ka dang ap ia ka.

Ban rung ha iingbishar u patsha bad ban ioh lad ban ieng ha khmat jong u, ka long ka jingeh kaba palat hynrei kaba phylla ka long ba bun na kito ki nongap jingkhag ki la pyni ka jingsngewlem ia ka bad ki la iarap lem ban pyn-poi ia ka shaduh ka patsha hi. Kane ka patsha ka la long kaba bha mynsiem bad ka la leh sbun ia ka Praskobi ; ka la iarap ia ka ban ioh lad ban ieng ha khmat u patsha hi. Katno ka jingsbun kane ka patsha, hynrei kita ki jingsbun jong ka ki ong namar ba ka la sngewthuh ia ka jingmut ba de uburom kaba la don ha ka Praskobi hi. U patsha u shu peituh ia ka mynsiem kaba don ha kane ka khynnah, bad la u la long u briew uba eh, pynban ka dohnud jong u ka la jem hin-ly-hin, bad shisyndon u la kular ia ka

jingmap ia u kpa jong ka La nang pynkhih shuh-shuh ia ka dohnud u syiem haba u la sngap ia kawei pat ka jingkyrpad jong ka, ban map sa ia arugut ki nongshah pynryngkangpar. U patsha u la map ia kita-de bad u la phah noh ia kane ka khynnab ha kaba suk ; um shym la phah noh ia ka thylli, hynrei u la ai ka peisa ka tyngka shibun khnang ba ka lah ban poi ha kaba suk sha la ki kmie ki kpa.

La ngi bet ha ka jingjawummat, pynban ngin ioh ot pat ha ka jingkmien ; ka la long kumta bad ka Praskobi. Ka la leit phai pat sha la iing da ka jingkmien lem bad ka khubor kaba bha. Ki kmie ki kpa ki la pyrsang ban tyngkai ia ka, hynrei ka pat kam shym la tyngkai ia lade bad ka la aiti ban len katto katne na ka jingim jong ka, ban wallam jingsuk bad jingkmien ia kiwei pat.

LYNNONG XIX.

KA NOH KA LIKAI.

KA NOH KA LIKAI ha long kawei hapdeng ki kshaid ba itynnad tam ha ri Khasi Jaintia. Ka don shaphang sepngi na Mawmluh ha Phudwah Shyrten kaba hapdeng ka Tyrna bad Nongriat. Kumba long kiwei kiwei ki kshaid ha ri Khasi Jaintia, ka Noh Ka Likai ka itynnad eh ha ka por Synrai—ha ki bnai Nailar bad Nailur, bad lah ban iohi bha ia ka na Laitkynsew.

Ka don ka jingiathuhkhana tymmen shaphang kane ka kshaid, balei ba la khot Noh Ka Likai ia ka. Ka long kumne :—

Shisien ha kawei ka por, ha kawei ka shnong kaba bi khot ka Rangjyrteh, kaba don shaphang sepngi na Sohra, la don kawei ka briew kaba kyrteng ka Likai. Ka la long ka khunswet kaba duk eh Haba ka la samla bha, ka la shongkurim bad ka la ioh khun iwei i khun kynthei, hynrei u tnga jong ka u la iap noh shuwa ban dap snem ita i khun. Ka Likai ka la im shitom im jynjar haduh katta katta ban pyndap bam ia lade bad ia la i khun katba i dangrit. Ka la donkam ban bah bad la i khun haba ka leit bylla kitnong.

Ynda i la kham shait ita i khun, i la nang ban iaid bad ialehkai bad la ki para khynnah, katno ka Likai ka la kmen ka la phuhmut phuhmat wat la ka trei shitom katno katno ruh.

Te ka la jia ba ka Likai ka ioh tnga biang da uwei pat u briew uba la wan poi ha Rangjyrteh, tip nangno, na jngai bah, uba kam itauh ne tip ei-ei myushuwa. Katto katno por ki la iashongsuk shongsaiñ. Hynrei mian-pa-mian ka la rung ka mynsiem kauid ha une u briew. Haba ki iawan na ka bylla kitnong ne na ka thohdieng thohsiej, ka Likai ka wad shuwa ia la i khun, ka da thum, ka da doh da dait, nangta ka sa sliew ding ban khreh jingbam ia lade bad la u tnga. Une u briew u la khñium borabor

borabor, u da kynnoh bad kren tohmet ia ka Likai ba ka leh bymasidniew ia u. Shuwa ban mih na iing ruh haba leit shano shano, ka kmie ka da pynsum pynseh, aibam aidih, pynsad pynkhyllong ia la i khun, nangta ka leit. Ka jinglehieit ka Likai ia la i khun ka la pynsngew-skuifi haduh katta katta ia u tnga jong ka.

Ha kawei ka sngi, ka Likai ka la leit kitnong marwei, bad u tnga jong ka u shong ha iing. Ha ka por mynsngi, haba la kynjah briew ka shnong ka thaw, u la shim ia ita i khun bad u la pyniap noh. Haba u la lah pjiar ia ka snam u la shai ia ki shyieng lyngkhot lyngkhot bad u la shet jyntah ia ka doh ita i khyannah. Ia ki shyieng bad ka khlieh u la leit bret noh bak shaduh jngai bah na iing.

Shibit la jan miet ka kmie ita i khyannah ka la wan sha iing, ka la sngewthngan sngewthait ian. Ka la kylli ha la u tnga. 'Shaei i khun?' "Tip ei", u la ong "dang myntan i dou ha phyllew, tip i la leit shaei?" Ka kmie ka la pyrkhat ba i khun jong ka leitkai sha iing ki paramarjan, kumba i la ju leh haba kin iadon la iing. Ka la kylli ia la u tnga, "Kumno, la ih ja ih jyntah?" 'Hooiid la ih," u la jubab, b d u mih noh kumta hi na iing ban leitkai. N mar ba la thngan eh, ka la kynrup sha ka plia g bad u khiew ja khiew jyntah uyngkong, shuwa ba kan leit wad ia la i khun.

Haba ka la bam, ka la sngewbang sat ia ka jyntah doh ba la shet aboh bha u kpa.

Ka la pyrkhath ba lehse u la ioh doh kñia naei-re-naei mynsngi, bad u la shet bang katta katta bym ju kham ioh doh la slem. Ka la bam haduh ban da eh pding ka kpoh.

Ynda ka la dep kaba thet, ka la shong bad ka la wad shangkwaï, ban da bam kwai shuwa bad nangta ban sa leit wad ia la i khun. Ka tang shu tare ia ka shangkwaï ka la lap da kine ki shympriahti artylli, ba la kum iehnoh klet uta u tnga jong ka mynsngi. Hangta la kumba pom u pyrthat, ka lynñiar kaw, ka da lympat ia lade hangta kum ban pyniap noh artat. La iamih ki lok ba na shnong na thaw ban iakylli iatohkit, bad haba ki la iatip, la kumba shoh khaw tyndep, kim ianang ong ne kren ei-ei shuh; dum ka bneng ka khyndew. Kata ka kmie, ba kam iap haba ka lympat ia lade, ka la shim kawei ka wait bnoh, ka la bat ha ka kti, ka la mareh lamwir, bad ka la leit nohiap ia lade shariat bah. Naduh kata ka por ia kata ka riat bad ka kshaid la khot haduh mynta mynne, ka Kshaid Noh Ka Likai.

Haba khmih ban peit, lane wat tang ba shu bna ki briew, ne ba shu pule na ki kot ki sla shaphang ka Kshaid Noh Ka Likai, mano ba lah ban ym sngewlem ia ka Likai kaba pli kaba la shem ka tyrut ka smer kaba kat kane.

LYNNONG XX.

KA KHOT SNAIAP.

Ha kawei ka jaka la don ka jingiapun
jingkieng na shiliang sha shiliang ka wah.
Namar ba ka wah ka rit myntlang bad ka khlaif
than mynlyiur la pun jingkieng noh myntlang,
bad ki mawwah khohruh khohram ki paw ha
jroung um por tlang. Kumta la ring tyllai na
shiliang ka wah ban ioh buh jingkieng ne siej.
Katba dang ring tyllai kumta kum o re-kumuo
uwe i na kita u hap sbak u jroung halor ki maw
bad mong ka met ka phad bad u la iap duh artat.
Ki lok ki bupli ki la ishiar ha wah ban ring ia
u sha madan, hyarei siaw u ngam shapoh um
bad ym lah satia ban ioh ia u

Ynda mynmiet ki lok para ba iatrei ki la
ialeit noh sha ki dara ba sieh harud um bad
ynda ki la iabam iadih ki ias dang thiah noh.
Katba dang sdang thiah uwei na kita uba ai
jingtrei ia kita u la iohsngew ba u khot u briew
ia ka kyrteng joag u U la thie bad u la
lyngngoh ba dei ka jingsawa uba iap mynsaw.
Bad kata ka jingsawa ka ong, "Kynmaw ban
leit ai lashai myustep ia ka bainong joung nga
baroh ha i mei khlem pep ho!" Uta u nongai
jingtrei de u la ong, "Hooi", bad ka jing-
sngewphieng ka khlieh ba wan ka jingkhoh
kyrteng bad jingkren da u nongiap.

Lashai dang step phyrugab uta u nongai
jingtrei u la khie la dang ngut ngut, bad mar

mar u la march ban leit ai pyntkloi kata ka baimong u nongiap ha i kmie jong u kumba la bthah da u nongiap.

Ynda leit wad ia u nongiap ban sei sha madan, lap ba um don shuh ha kata ka jaka, hynrei u la kie sa ha kawei ka thwei. Ki la ialeh ban iajagi bad ban sei ia u sha madan bad la ioh sei bluit ia u bad kumta la buh ia u ha kawei na ki dara ban pynthiah.

Uwei na kita kiba sei ia u u la ap miet ia u bad ka dih buaid namer ba la khrist ka leit ngam um bad ban kham duna ka tieng. Ynda u pyrshang twad ka pla ban dih sikret, u shem ba ym don shuh ba la lut. Kumta u la kren buaid ha uta u nongiap uba nangthiah lyngktop ha khap hangta. "Te mem ai sikret balei ko me ia nga haba nga la ngam shitom katto na ka bynta jong me?"

Ka thei die sikret kaba shong buh dukan ha kata ka jaka ka la iohsngew ba riew, "Tuk tuk tuk", ha jingkhong bad ka jingong "Ko Bih sa leit ai sikret ho ha u Bah uba ap miet ia nga, hapoh dara ba u la lut sikret". Ka la lyngugoh haba ka la sngewthuh ia ka jingsawa ktien u nongiap. Da ka jingtieng ka la khie joit nangta ban leit iathuh ia ki lok shajan. Ryngkat bad kita, shimiet shimiet ki la ialeit wad ia uta u briew uba ap miet ha kata ka dara nongiap. Haba kylli ia u la u donkam sikret ban dih, u la jubab ba u donkam keñ tang ba

u shu kren biria ha u nongiap, te hynrei, pleng u da leit phah shisha.

Kumta de la ai sikret ia u, u la dih sngew-bha. Bad kita ki kynthoi ki la ia leit wan noh sha la ling ban thiah.

Ynda la khie lashai mynstep, kat kiba leit sha kata ka jaka ring tyllai ki la lohngew ia ka jingrwai jingsiaw jong uta u nongiap ha kafuh ka rukom kumba u ju leh haba u dang im. Bad kata ka jingsawa kynud siaw jingrwai ka jah noh hadien lai sngi ba la tep la thang ia u.

LYNNONG XXI.

KI RUKOM PUN JINGKIENG.

Ka kam pun jingkieng ha ri Khasi Jaintia ka long kaba eh bad ba ma shibun eh. Don ki jait jingkieng kiba la pun da ki tnat diengjri. La thung kawei ka jri na kawei ka liang bad kawei pat na kawei ka liang jong ka wah Ynda bun snem kine ki diengjri ki suh thied bad pyiar ki tnat, ki kner shaduh shiliang ka wah. Da ka ba pynsnoh bad pynbat ia ki, suki suki ki ia thia para ma ki. Hadien hadien lah ban iaid halor jong ki kum ha i jingkieng doi doi.

Ha kiwei pat ki wah la thung pynngam da ki dieng rishot heh hapteng ki mawsiang. Ha kitel ki rishot la pynsnoh jingkieng da ki dieng

tylli ne siej na shiliang sha shiliang. Teng teng ka wah bah lyiur ka rat, ka rah bad ka rong ia ki bad kim ju neh slem.

Ha kiwei pat la thung pynbat da ki siej ki skong heh na kawei ka liang bad kumjuh na sha kawei ka liang. U briew uba snah u kiew na kawei ka liang, bad uwei pat na kawei ka liang. Hamar ba ki klier siej ki jem, ki kem bad khum ban teh ha shiteng suiñ kum ki shrieh. Kham bunsien ia kane la leh haba heh um. Namar lada leh ha ka por rit um haba paw mawbah, ka long kaba mynsaw lada hap halor ki maw.



Ki don pat ki jingkieng ha kaba la pun da ki maw lyngknep kiba jrong lter kum ki maw-byuna. Ia kine ki maw la pynsum na shiliang sha shiliang ka wah. Ka paw ka jingstad kaba khraw ha u Khesi hyndai kumno ban sum ia

kine ki mawbah na shiliang sha shiliang khlem ki bor jong ki riw mynta. U don uwei u maw jingkieng kum une ha lynti Jowai sha Jaintiapur, hyurei u la dkut noh ha shiteng. Den jingong ba u kheiñ ba iaid u hati.

Ia ka pyrthei stad mynta ia kine ki jingkieng la pun ym da ki tyllai, thri, jri ne jyrmie hyurei da ki nar bad sainar. La pun nar tylli na shiliang sha shiliang ka wah bad la pynbat da ki sainar ia ka jingbat bad jingker na baroh arliang. Ia ka madan lah ban sieng da ki lyntang ne mawria. Ka jingkieng iaid briew ha Umshyrpi, Shillong bad Umkhen 6 mail na Shillong la leh kumne. Ia ka jingkieng iaid motor ha wah Umngot, Dawki ruh la leh syriem ha kane ka rukom.

Ia kiwei pat ki wahbah la thung da ki paia dew bilat hapoh wah. Ia ka um napoh wah ki pynrgat bad sa shna paia hangta. Ynda la shna kumne wat ki rel kiba kit da ki hajar mon ruh ki lah ban iaid khlem lei lei.

Ka jingkieng ha Howrah, lyngba ka wah Hugli ha Calcutta, ka long kawei na ki jingkieng ba pawnam ha ka pyrthei. Ka long kaba jlan ka pyngkiang. Ki tram, ki bus ki mareh na pdeng jingkieng. Ki kali kulai bad kali masi bordi ki iaid na krung jong ki. Ki paidbah ba iaid kjat pat ki iaid na ki rud jong ka na sha kadiang bad sha kamon.

Ia kane ka jingkieng la shna tang da ki nar. Hyurei lah ban khyllie ba kan plie kum ka

jingkhang ia ki jhad bah kiba iaid lyngba jong ka. Khnang ban ym iawit ei ei ki nongleit nongwan la buh por ban plie mynmiet mynmiet ia ki jhad bah ba kin iaid lyngba.

LYNNONG XXII.

KA RI BASUK JANAI.

1. "Nga ngew phi kren ia ri suk janai,
Kynhun ki khynnah hangta ki phyrnai :
Ko mei ! Haei sha ka den kata ?
Hato ngin ym wad, ban iakmen shirta ?
Ka dei haba puh ki 'tiew sohfiamtra ?
Na tnat ki jong ki fiangbading ki ba ?
—"Ym hangta, ym hangta, ko khun !"
2. "Dei haba don ki diengtloi ba kaweh,
Bad soh ki ih ba dei sngi khlem sangeh ?
Dei dewlynnong ba hapteng ki duriaw.
Hir hir ba beh 'er iwbihi ha ki khlaw,
Sim paradais la ki thapniang klew,
Rong laiphew har sha ki her ngi iohangew ?
—"Ym hangta, ym hangta, ko khun !"
3. "Dei mo ha ri jngai jngai bah hyndai,
Ba wah ki par ha shyiap ksar ba phyrnai ?
Dei mo hangta mawkordor ki kyrhai,
Ba shat jingshai na ki par mawlynnai,
Dei shata, hana, ba phalang ki paila,
Hangta seh mo mei, kata ka jaka ?
—"Ym hangta, ym hangta, ko khun !"

4. "Ne dei shata ba iaiphuh 'lawsyntiew
 La kum u shyiap ba tuid u bynriew ?
 Dei ruh hangta ba soh pai ki pahuh ?
 Ka bam ka dih ruh kyrhai ym ju duh ?
 Dei de hangta ba ki tuid ki wahduid ?
 Ka dud ka ngap ba ki bam de khlempud
 —"Ym hangta, ym hangta, ko khun !"
5. "Khmat kam pat shym iohi, te, ko khun
 jong nga :
 Shkor kam pat shym iohangew jingrwai
 thiang jong ka :
 Ban mutdur ia ka, jingphohsniew kim lah—
 Jingiap, jingklusai hangta jar ki jah ;
 Por ym ju khein ba sngi bnai kim ju sep,
 Sha lyndet ki l'oh bym donshuh ki jingtep
 —Dei hangta, dei hangta ko khun !"

LYNNONG XXIII.
 U PHAN HA ASSAM.



Lah ban ong ba u phan ha ri Assam u don
 ar jait, u phan Shillong ne u phan Khasi, bad u
 phan Dkhar.

U phan Shillong u long uba heh bad ba lieh ba la ioh symbai na Bilat bad ba la sam symbai sha ki nongrep ka ri baroh kawei, hadien ba la pynroi bad sumar ia u ha Upper Shillong Farm. Kumba shiteng lak mon shisnem shisnem la die ia u phan shabar jong ka ri. Man ka snem ka ri Dkhar ka donkam bun hajar mon ia u symbai na ri lum namar ha ri Dkhar hi ym lah ban buh symbai ia u.

U phan Dkhar u long uba kham rit, uba eh bad uba pnah. Une u jait phan u kham kynrei ha ri Dkhar namar ba u long uba lah ban buh symbai ia u na kawei ka por sha kawei ka por wat kum ha ka por lyiur ruh. U phan Darjeeling u syriem shibun ia une u jait phan, namarkata ki nongrep sha dkhar ki ia it shibun ia u wat lada ka dor ka kham rem namar ba u kham bha ban ia u jong ki bad u long uba lah ban buh symbai.

c.

Symbai :—Ki symbai kiba bha lah ban ioh na Upper Shillong Farm, bad katto katno ki jait Darjeeling ruh lah ban ioh.

Shuwa ban thung dei ban da khmih bha ba ki phan symbai ki long kiba bha bad ki bym don dak jingpang ei ei ruh. Lada u symbai um long uba shait uba koit, ka jingjulong kaba khrav kan long ha ka lyngkha baroh kawei. Ha ka shi-aere ka lyngkha yn donkam 8 haduh 16 mon u symbai bad kata ka long kat kum ka jingheh ne jingrit u symbai.

Kaba kham bha ka long ban thung ia u phan uba la lah mih lypa (sprout). Da kiba thung ia u phan uba kum uta yn donkam sa khyndiat ka um ba un mih. Ba pynmih ia u phan, buh ia ki symbai ha ki syuduk ne shang kiba lyngkot, bad pynpaw ia ki khmat shalor, nangta sa tap da u kynja phalang uba la iap bad pynskhem ia u. Lah ban thad ia ki ha ka sngi tad haduh ba kin da mih.

Ka julong ka rukom ha hane ka ri ban thung da ki symbai kiba rit kiba ki khot 'ki ks+ifi hynrei ka jingmih ka kham bun shibun da kaba pyndonkam da u symbai ba kham beh.

Ka rukom ai sbok :—U phan u donkam ia ka khyndew kaba ni bad ba pat bha, bad ka bym long um.

Dei ban lur ne puh ia ka khyndew haduh kumba 9 inshi ne, haduh ba kan da lwet bha. The per, roud da ki nur kiba jylliew kumba 6 inshi ha ka jingjingai kumba $2\frac{1}{2}$ phut kawei na kawei, thep sa ka eit m. si kumba 250 haduh 300 mon shi-acre ha zine ki nur bad tap stang ia ka da ka khyndew. Halor jong kane buh ia u symbai ha ka jingjingai kumba 1 pruh 8 inshi. Ka long kaba donkam ba ki khmat kin phai shalor. Nangta sa tap ia ki da ka khyndew bad pynmadan bha, khuang ba u symbai un long 2 inshi shapoh na sla khyndew.

Da ka bun pat, ia u symbai la thung ha ki thliw kiba tih kumba shipruh ka jingjingai kawei na kawei. U dpei ding u long ka sbok

kaba bha shibun eh ia u phan. U dpei u iarap ruh ha ka ban iada ia u na ka jingpynjot jong ki khñiang.

Lada kwah ban ioh u phan uba da bha shisha, ki sboh kiba shu shna hi lah ban ioh.

Ha Upper Shillong Farm la shem ba ka jingkhleh 100 ser jong ka *niciphos* bad 100 ser ka *sulphate of potash* ka long kaba bha eh ban ai ia shi-acre ka lyngkha ban ia kano kano kawei pat ka jingkhleh. Ia kane dei ban ai ha ki nur shitaiew shuwa ban thung.

Ha kine ki ri lum jong ngi ka por thung phan kaba kongsan eh ka long ha u February—March, bad sha ri Dkhar pat ka long October—November. Ym shym da don eh ka rukom ba pyrkhing ia kane namar ki nongrep hi ki la tip ia la ka jaka jaka.

Haba u jyntang u la jrong kumba 6 inshi la dei ban tap khyndew ia u haduh 4 inshi ka jing-jrong. Mynta ka laiñ thung phan ka la at bad ka jaka hapteng kine ki laiñ ka la long nur. Lada u phan u khie bha la dei ban ai khyndew biang sa shisien hadien lai taiew. Kane ka long kaba donkam shibun khnang ba un kham roi,

Haba u phan u phuh syntiew u dohmet shapoh khyndew u r'it shibun. Khlaw ia u ynda haba u jyntang baroh u la iap. Hadien ynda la khlew, uno uno u met uba ipang ne shah ot da ka mohkbiew dei ban buh kyrpang, ym bit lano lano ban iakhleh bad kiba bha.

LYNNONG XXIV.

KA KHEIT KWAI KHEIT TYMPEW.

Sha ri War ki briew ki im da ka rep soh, pai bad kwai tympew. Ki diengkwaï ki long kiba rit, jrong, jem bad jwat. Hynrei kim don tnat. Ki syriem ia ki dieng tlai ha ka jrong itynnad jwaifi. Bunsien la ju thung khah ia ki, ba ki ia jngai kumba saw, hynriew ne phra pruh uwei na uwei pat.

U diengkwaï um don tnat, hynrei u don da ki sla syriem kum ha ka rukom ka kait. Katba ki sla ki nang tymmen, ki tlor, khliah bad ki hap noh. Ia kine ki khot ki dopwai. La tam ia ki bad la pyndonkam kum haba song jasong.

Haba u briew u kiew kwai u shait kiew tang na uwei u dieng kwai bad um ju hiar khyndew shuh, hynrei u jam ne kab na uwei u dieng kwai sha uwei pat. Ynda u la dep-ma-dep ka kheit kwai na uwei u diengkwaï, u pynkhih ia u dieng kumba beh lyer. U pangah bad u pawang la ka met shane shatai halor dieng bad da kaba leh kumta u dieng kwai u nguh ngon shajan uwei pat uba hajan. Hamar hangta u rypsied pjong halor uwei pat u dieng kwai, u kem ia u bad bat skhak ha ka met u diengkwaï.

Nangta u sdang-pa-sdang ka kheit kwai na uta u dieng. U khyllad ia u kwai shinat shinat da ka wait bnoh bad pynhap shapoh khyndew. Haba leh kumne, u kwai u pra bad hap phrew-

rew-rew la ka jong ka jong. Haba kwah ban pynsah wainat, kata ki shu bnoh ia ka nat ha u bnoh uba jrong bad pynhap suki iai sha khyndew.

Ha kane ka rukom u leit na uwei u diengkwaishauwei pat. Nier ba u nongkiew k vai un hap. Lada u hap ki sngi jong u ha kane ka pyrthei sngi kim zlem shuh.

Kiba snah kiew kwai ki kiew beit tang da ki kti ki kjat. Ki khap ia u diengkwaishauwei da ki kjat bad sa kyrsih ksuiñ arted syriem kumba leh u ñiangñiuh. Hynrei ki bym da snah bha pat ki teh tyllai lyngkhot na ki ryndang kjat bad ki sa kiew. U tyllai u ierap ban ym syntuid kynsan lada jia ba thait ne tlot ha shfteng dieng.

Ia u tympew pat la thung ha kjat ki diengbah diengsan. Une u pur kum u jymie baroh sawdong u dieng bad par shaduh khar eh.

Ki nongkiew tympew ki shait stah ia u dieng pateng pateng man ka shipruh ei ei ban ioh buh ka kjat haba kiew. Ia u dieng uba beit suiñ khlem taat la ju kyoh kyrdan kumne. Hynrei kaba phylla ka long ba ine i jingstah kyoh i long tang hapdeng shikti duh ; hynrei u briew uba snah kiew dieng u la biang tang la ioh buh khyndiat ka kjat.

Kim ju rah tari namar kim donkam. Ki shu iehnoh pynnep kawei ka tyrsim'ti-kmie bad ki sa dkhat ne khlad ia u tdong tympew da ka

tyrsim 'ti-kmie bad ki sa dkhat ne khrai ia u tdong tymphew da ka tyrsim iong jong ki hapdeng ka 'ti-kmie bad 'ti-kdew. Ha kane ka rukom u nang khleid tymphew arted-la-arted haduh kliar.

Kane ka kam kiew tymphew ka long kaba ma shibun. La don bun kiba iap ha ka kheit tymphew. Shisien uwei u briew u kiew kheit tymphew ha uwei na kine ki dieng. Ha trai u dieng don ka wah, ki mawbah, bad ki mawrie khohruh khohram bad hajan jong ki don u shyiap wah. Shu sung-ly-sung u hap na jrong dieng ba leit lait ka kjat, bad u hap da ka kpoh halor u mawsiang, pait ki snier baroh.

Shisien, uwei pat u ryngkang na ka tnat dieng ha kawei pat, lait bran ka kjat, u shu hap iar ly-iar shapoh bad sahkut sbak ha ka tnat dieng. U iaksaid nangta bad hap sa shisien hap hapoh khyndew sbak, kheifi ka shynrang kjat bad ki stad dawai ki la khum la teh da ki kynbat lum bad ka wan bor biang suki suki.

Shisien pat, uwei u kiew kumta ha kliar u dieng tymphew. Hamar ba u mut ban jam ha kwei ka tnat, shu lait ka kjat bran shabar. U hap sur-ly-sur sha trai dieng bad u leit hap hamar u shyiap wah, shu sahkut tdon hangta. Da kaba eh ba u leh ban mih pat nangta ba la tyrsaifi rip baroh shirynieng. Ynda u lait nangta u la angewlyngngoh ba shu dang bha la ka sngi.

Kiba kum kine ki jingjia ki jia ter-shi-ter ha ki theiñ ri War jong ngi sha ki khap ri dkhar, bad ki jingshem ki long ha ki rukom rukom ba ym iai leh lum ne iathuh shaphang jong ki.

LYNNONG XXV.

U CHRISTOPHER COLUMBUS.

U Christopher Columbus u la im mynta kumba 400 snem ba la lah. Ha ka por jong u ki briew kim pat shym iaid kyllong ia ka pyrthei kumba ki leh mynta. Ki riewstad hyndai ki



U Christopher Columbus Bad ka Jhad jong U.

don ka jingtip ba ka pyrthei ka long kaba pyllun bad ki lah ban kheifi antad katno ka jingheh pyllun jong ka. Hynrei ym pat don uta uba la nud ban iaid tawiar ia ka pyrthei baroh kawei.

Ha kata ka por, ka jingkhali ka ri Europe bad ka ri India ka justhibun, hynrei ki nongkhali na ri Europe ki ioh ia la ki mar ki mata India lyngba ki nong-Arab bad Persia. Ki la ju kwah ban wan khali hi da lade ; hynrei kim don lynti ia ka ban poi sha ngi.

U Columbus, kumba 18 snem lynter, u la imangi dngong da kumno un poi sha ri India. U la pyrkhat ba dei ban shu king da ka lieng na sha sepngi ha ka jaka ban wan na sha mihngi. U la ngeit ba ka pyrthei ka long kaba pyllun. U shait iohi ba ka ang i ka mih man ka ang na mihngi bad ka sep sha sepngi. Hadien kumba khadar kynta ka wan pa ka wan phai biang na shajuh. Lada ka pyrthei kam long kaba pyllun, da kumno ka ang kan mih biang na shajuh ?

Kawei pat, haba u ieng harud duriaw u iohi ba ki lieng kiba wan na jugai ki wan mihpaw shuwa ka khlieh, hangta suki suki mihpaw sa ka met baroh kawei. Kumjuh ruh haba ki lieng ki leit na ryngkew sha duriaw ki jah shuwa ka trai hadien kata sa ka khlieh. Lada ka pyrthei ka madan, ki lieng kin nang rit nang rit haduh ban ym iohi shuh ia ka. Kim dei ban jah kumta, shuwa ka trai hadien sa ka khlieh.

Kumta u la sdang ban pynkohnguh ia uwei u Syiem Europe hadien uwei pat ba lah ban poi sha ri India da kaba king na sha sepngi. Bun ki la angapthuh ia u da kaba angowphylla.

Don ki riewstad kiba ong : Tharai mynta ki lieng jong me ki nang leit nang leit hangta ha.

duraw bad ki nanghiar nanghiar ia ka jingpyllun
 'ka pyrtnei ; kan poi ka por ba kin hiar haduh
 ba kin ym lah wan phai shuh. Ha lehse, kin
 edien da ka trai lieng ha sla duraw bad thung
 ka khlieh shapoh siamra, hangta yn sa long
 kumno ?" "Koit" ki ong, 'to khie ieng khlieh
 ha suiñ tang ma me ; ngi te yn nai".

U la thap bieit shiphang hynrei la katta ruh
 u im jingmut triang ia ka ban pyrsang.

Khatduh khatwai, ka Syiem Isabella ka la
 mynjour ban ai lieng ia u ban leit bad u la leit.
 Ha shiteng lynti u la shem bun ki jingoh. Ym
 iohi ryngkew shuh bun bun sngi. Bad don ka
 por ba u thyrnia maknet, ba ju kdew beit shatei
 u nangkylla phai shatei lam mihngi. Kane ka
 la pynsheptieng her ia ki para nongking lieng.
 Hynrei hadien bun sngi u la poi ryngkew, bad ia
 ki dewlynnong ba hiar lieng u khot noh ki dew-
 lyunnong India. Haduh mynta la ai kyrteng
 "West Indies" ia ki ban pyniapher na ki "East
 Indies" kiba hajan India.

Ynda u wan phai bad la ki mred ki mrang,
 ki ksier ki rupa, ki rong ki rup ba phylla ha ka
 proseson ban leit sha khmat u syiem bad ka
 syiem, la peit lyngngoh lut u paid nongkhmihkai
 bad ka jaw dud artat.

La don ka khawai dawai bah ha lingsyiem
 kum ka jingai burem ia uba la shem ia kata ka
 pyrtnei thymmai. Ki bakhrav batri kiba iashong-
 bam ha ka miej lom bad u ki la sngewbishni

ia u na ka burom kaba khraw kat kata ba u ioh. Ki la ong, "Lada mem shym la leit ma me ruh, ngi lah hi ban shem ia kata ka khyndew thymmai ba me sarong ban iathuh.

"Haba kumta" u la jubab, "mano ba lah napdeng jong phi ban pynieng ia kane ka pylleng hangne halor kane ka miej?"

Uwei hadien uwei ki la iashim ban pynieng ia kata ka pylleng, hynrei ka kyllon tyllun lkhoit-shi-lkhoit.

"Wa", u ong, sa tang ia ito ruh phim lah? Katta ruh phi ong phin leit shem pyrthei thymmai ma phi? U la bein,

Ki la sngowrem bad phai ktien kylla, "Hato leh ma me, me lah?"

"Wa!" u ong, "ym lah balei? Kaba jem eh! Wallam ia ka hangne".

Kumta de ki la ai pynkloi ha u. U la shim ia ka; u la pynpait phrok khyndiat ia ka dong pylleng bad sa pynieng knong.

"O" ki ong, "ia ka ban da leh kumto, te ym lah heit?"

"Te shata ruh", u kem ktien kylla sa ma u, "lada ngam da pyni buit ma nga kumno ban leh, phin ym lah".

Bad ki la shu iarem noh.

LYNNONG XXVI.

KA JINGIAM BRIEW KA KMIE



1. Ko Khun jongnga, Sier Lapalang,
Ko khun bhabriew, ko khun lamphrang :
Hangno phi don, kynrad ka mei,
Hangno phin ieh i 'i mei marwei ?
2. Ko khun, nga la her mynsiem hi,
Haba phi kiew sha Ri Khasi ;
Hynrei ba kan jia ka sohsat,
Haduh katne ngam ju pyrkhath.

3. Naduh ba kha nga ri kyndong,
Ha kaba iaid ba thiah ba shong ;
Nga bud kylleng ha kti ha kjat,
Ba mynsaw ia phi kan ym ngat.
4. Dem diap ban kheiñ ki sngi ki bnai,
Bad bud jingsan jong phi nga brai ;
Katno nga sngewphuhmut phuhmat,
Haba nga i ba phi khiah krat.
5. Nga kdang ban peit tang ia u khun,
Ba paw khmat eh hapdeng ba bun ;
Ym don, nga i ba phieng ba puh.
Kat u khun nga naduh haduh.
6. Sha ri Khasi phi kwah leit kiew,
Jangew jathang ban mad ban iw ;
Ki lok, phi ong, ki ong u bang,
Bad phi sha lum ban kai phi thrang.
7. Phi ong ruh don langñiuh langkhaiñ,
U bym ju long ha la ka thaiñ ;
Ka 'er batesi batemon,
Hangta ka beh hangne kam don.
8. Nga la ong, "Khun ynnai leit kiew.
Sha lum Khasi sha ri ki briew !
Shong ha la khap ri lum ri thor,
Bam la u khah bam la u nor".
9. Hynrei ha ka jinglong samla,
Phim sngap ka kmie phim kheiñ jingma ;
Phi kiew bak sha ryngngi Shillong,
Ban wad ia u jangew kynthong.



10. Haba kumne seh, khun, mynta,
La dum ka breng khvndow ia nga ;
Dohnud ka kmie la pait arliang,
Hadien, ki briew kin iathuhtang.
11. Waw, ka la shet ka tieh pongdeng,
Ia ka rynieng u kyurem reng ;
Waw, u la kjit u nam sarang,
Ia ka mynsiem u Lapalang.
12. U briew b'la ieng ka ksaw ka kpong,
U risa ha ryngngi Shillong ;
U phawar sier rtat lynti,
Ba ia phi ka la kut ka sngi.
13. Ma nga te, khun. Sier Lapalang,
Tang kheiñ burom kat sha ba shang ;
Ban lei ngan im shuh ha pyrthei ;
Ngan iap ryngkat ha ri nongwei.

LYNNONG XXVII.

KA JINGIATHUHKHANA SHAPHANG ARTYLLI KI NONGBAH.

U Richelen u long u nongsaiñ hima uba
pawnam jong ka ri Franco, u long ruh uba khat-
dub na ki jait bakhraw batri ban bat ia ka bor
hima shuwa ban khie ka jingkhie hima ba shyr-
khei kaba la lah ban pyaduh khoit ia ka ber
jong ki hapoh Franco.

Mynta ngan iathuh shaphang kawei ka jing-
jia kaba sugowtriem kaba la jia ha kata ka por

khiih hima ha France, bad ia kata ka jingiathuhkhana la khot, "Ka Jingiathuhkhana Shaphang Artylli Ki Nongbah", kata, ka London bad ka Paris, ba la iathuh da uwei u Phareng uba kyrteng u Charles Dickens.

Uwei u briew na France, uba kyrteng u Dr. Manette. u la shongkurim ia kawei ka samla kaba na Bilat bad ka la ioh iwei i khun kynthei iba kyrteng I Lucy. Ha kawei ka sngi ha ka por ba I Lucy i dangrit bha, la wan khot ia u ban leit sumar ia arngut ki nongrep kiba duk kiba ialong shipara ba kila don ha tmier ka jingiap, namar ka jingshah lehbein ha uwei u jait bakhraw. U Dr Manette u la sumar bha katba lah hynrei baroh arngut kila iap tang hapdeng khyndiat por.

Uta u kur rangbah kata ka jait bakhraw bad u para jong u ki la pyrshang ban pynbam tyngka ia u Dr. Manette khnang ba un ym iathuh briew shaphang ka daw ka jingiap jong kita ki arngut shipara, hynrei um treh ; namar ba um treh la teh la khum ia u Dr. Manette bad la set ha kawei ka phatok kaba dum bad ingiew kaba kyrteng ka Bastille, khlem da ailad wat tang ban leit khublei ia la ki khun ki kti ruh. Ka lok u Dr. Manette kam shym im slem namar ka jing-paitdohnud, bad la iehnoh khunswet ia ka Lucy hapoh ka jingsumar u Mr. Lorry uba long u riewaifn bad u lok uba iaieit eh.

Ia u Dr. Manette la ju pynsaja da kaba ai jingbam malu mala lyngba iwei i thliew tang ba

un im U la shitom bym lah batai shuh, kumta tang ban pynbyrngia ia ka por u la kyrpad na u rangbah phatok ban ai ia ki tier suh juti bad ka ben. U la im hangta khadphra snem kynthih, uba pli une u la phuh fiuhlieh bad raikhoh kum ka nap. Namar ka jingjynjar sat ba u la shah, u la tim ia ka jait Evermonde baroh kawei ban iap noh, namar ka dei kata ka jait bakhraw kaba la pynshitom ia u, u la thoh ia kata ka jingtim jong u bad buhrieh hapoh u maw kynroh hangta hi ha phatok.

Kane ka kynhun paitbah ka la ialeh ban knieh noh ia ka bor synshar na ki bakhraw batri bad na ki syiem namar ki ban bein than ia u rit u ria. Ha ka por ba la pyllait na phatok u Dr Manette u la long kum uba lamwir; um angewnang shuh ban leh kumno kumno ruh, u la kham angewkwah pynban ban leit phai biang hapoh ita i kamra ba dum hapoh phatok. Hynrei ha kane ka por ka khun jong u ka Lucy ka la iohsngew ba la don uwei u tymmen uba la lait na ka phatok Bastille. Ma ka bad u Mr. Lorry ki la mih bran bran na London ban leit sha Paris namar ka la leit shong uoh ha London tang shu i p ka kmie jong ka.

Ha Paris ka Lucy ka la lap ia u Dr. Manette hapoh ka jingsumar u rangbah phatok, hynrei um ithuh satia ia la ka khun. Ka Lucy, ka tang shu iohi ia la u kpa uba la jah, ka la dem ha ki khobsiew jong u ka da doh da dait. Haba u Dr Manette u la iohi ia ka khmat jong ka ba ka

don ka maiñ ka kmie, u la ithuh shisyndon ba ka dei ka khun jong u, da ka jingkmien u la jawummat bad u la tipbriew biang. U la kohnguh ruh ban leit noh bad ka sha London. Ki la sah ha London tang katto katne por, bad la don uwei u samla uba kyrteng u Charles Darnay, uba la ibha ia ka Lucy. Kumta ba hadien ki la iateh ktien. Une u samla u dei na ka jait bakhraw, ka jait, Evermonde, uba la phet shnong noh na Paris, namar ka jingisih jong u ia ka jait. U la iehnoh ia la ka spah bad ka jingdon baroh ban pyndonkam na ka bynta kiba duk ha ri France, namar u tip ba u la ioh ia ki ruh da ka jingthombor. U la trei noh kum u rangbah nongshad.

Ha ka jingiakynduh ba nyngkong bad une u samla, u Dr. Manette u la sngewshitom jingmut maia aiu re, hynrei kata ka la duh noh haba u la iohi ia ka jingim ba itynnad jong u. La katta ruh u la iohi ia u slem bah hangno-re-hangno ha ki kynja jingjia ba sngewsih. Une u samla u la iathuh ha u Dr. Manette ba u dei na ka jait bakhraw, Evermonde, hynrei u la shah tait kur noh namar um iadei jingmut bad ki kur rangbah. U Dr. Manette u la sngewbha ia kata bad u la shah ban shongkurim ia ka khun jong u. U Darnay u la kwah bunsien ban iathuh ha ka Lucy ka tnga ba ieit jong u shaphahg ka jait tynrai jong u, hynrei u Dr. Manette u khang,

Dei hamar kane ka por ba ki paitbah ka Nongbah Paris bad ka ri France baroh kawei ki la wad ban pyniap lut noh ia ki briew na ki jait

bakhrav baroh, khamtam ia ka jait Evermonde. Ki la kwah ban ion ia u Darnay ruh, ki la phah ktien sha u da kaba ong ba ia u shakri tymmen jong u, u Babette, yn sa khrai khlieh noh lada um wan ban iasaid na ka bynta jong u. Bran bran u Darney u la mih na London ban leit sha Paris. U Dr. Manette bad ka Lucy ki la lap ia ka jingshisha ba ki paitbah ki la riam khnang namar sa tang ma u uba dang sah ha ka jait Evermonde. Ki la kwah ban pynhiarkput namar ka jingbanbeifn kane ka jait ha ka por ba dang don syiem ha France.

U Dr. Monette bad ka Lucy ki la bud mar mar ban leit pyllait ia u Darnay. U Dr. Manette u ngeit ba ki paitbah Paris kin angap bad burom ia u. Ha Paris u la wad ia u Sydney Carton, u riawsaid uba pawnam, une u Carton u long u briew uba lyngkar bad uba tangka buaid baroh shilynter' hynrei la ong ba u kham stad ban ia kiwei pat ki bym buaid. Bunsien u la ju beifn iamrem ielade da kaba ong. "Um shun iano iano ruh hynrei tang ielade." Dei tang ha ka Lucy ba u pyndem, u burom bad u leit, u nud ban ieh ia kano kano baroh na ka bynta jong ka. Ia kiwei pat ki briew u ju pyndom, u tim u tla da ki 'tien stad nie jong u, khamtam ia u Mr. Lorry um ju kwah ba un rkhibeifn ia u. Ka Lucy pat ruh ka shaniah ia u Carton wat la u long uba lyngkar; ka la aiti lut ia lade ha u ban iarap ban pyllait im ia u Darnay u tnga ba ieit eh jong ka, u Carton u la kular ban iarap katba don ka buit ka bor baroh.

Mutdur mynta katno u Darnay u don ba tmier ka wait khrai khlieh, namar ki nongbishar baroh ha kata ka por kim ju sngap ia ka nia u jait bakhrav hi, namar ki nongbishar kim dei shuh na ka jait bakhrav hynrei na u paidbak. U Carton u la sei lut la ka buit ka bor baroh na ka bynta ka Lucy namar u tip ba u Darnay u don ba tmier Nyngkong eh u la iathuh ha ki nongbishar shaphang ka jingshahshitom u Dr. Manette ia ka bynta u rit u ria ka ri France; nangta pat, shaphang ka jingisaneh ka Lucy ha la u kpa, bad ruh shaphang ka jingieit thep mynsiem jong ka ia u Darnay u briew uba la shan tait kur bad uba la long ruh u lok jong u kup shiliang u sem shiliang ka ri France, ba ma u bad ka kmie jong u ki la si ia la ka spah ka phew bad ka jagdon jong ki baroh sha kiba du : ban siew noh ia ka jingbanbor jong ki kpa tymmen ha shuwa jong ki ; hynrei kumao ki la shah lehberit pat ha u kur rangbah jong ki uba long u nongshun jong ki khuaswet ki rangli ka ri France.

Une u samla nongsaid u la pyuhun ia ki nongbishar. Ki patbah ki la rise da ka jingkmien ha kane ka khyllipmat tang shu iohsngew ia ki ktien jeli jaum na u Carton shaphang u Darnay; kumta la pyllait im ia u Darnay. U Carton u la islem noh bran bran ia u Darnay, u Dr. Manette bad ia ka Lucy shabar ka jingbishar ban leit noh shisyndoe sha Bilat, ioh ki patbah ki kylla biang pyrshaa ia u Darnay. Katba ki dang khreh ban mih

noh na Paris, ki paitbah ki la ioh daw biang pyrshah ia u kpa jong u Darnay bad ka ling baroh kawei. Ka sakhi ba ki ioh ka long lyngba ki kot ki sla jong u Dr. Manette hi, ba u la tim ia ka ling baroh kawei mynba u don ha phatok. La kem bad bishar biang ia u Darnay. U Dr. Manette u la pyrshah ban len iap len im : hynrei haba la pyni ha u ia ki jingthoh ba u la thoh da la ka snam pyrshah ia ka Evermonde, um don lad shuh da kumwei pat.

U Dr. Manette u la lynñiar paitdohnud namar kane ka apot kaba wan hap ha ka jingim jong u. Bunsien u la mut ban pyniap noh wat ialade ruh haba u pyrkhath balei ba u la thoh ia kata ka jingtim jong u, namar mynshuwa u la mut ban pynsaja ia u kpa pynban la ngat da u Darnay, u khun, uba pli uba lui lui.

Ia u Darnay la set ha kawei ka kamra kaba kyrpang hapoh phatok tang shu dep bishar ban aa khrai khlieh noh ha ka sngi kaba bud. U Sydney Carton, namar u ieit eh ia ka Lucy u la kheiñduh ia lade, la u la tip ba ia lade ruh u don hapdeng ka jingma, pynban u la pynkhreh ban ioh *passport* na ka bynta u Dr. Manette, ka Lucy; u Mr. Lorry bad ia lade de ban mih noh ha kata hi ka miet ban leit sha Bilat. U la bthah jar jar ha u Mr Lorry ia ka huit jong u ban kit ia u Darnay ha ka por bym tip briew ha ka kyrteng u Carton bad phet bran bran sha Bilat. "Kynmaw," u la ong, "wat pynslem shikhyllipmat ruh na ka bynta ka Lucy, lane ka

jingleh jong nga baroh kan long lehnohei." hadien kata u la khublei khatduh ia ki baroh.


U Charles Darnay hapoh phatok u la kyndit haba u la iohi ia u Sydney Carton uba ka dur jong u ka long kum ka jong u hi thik. U Carton u la ong ia u Darnay ban thoh ia ka shithi katba u dang bthah. Katba u Darnay u dang thoh ia kata ka shithi, u Carton. da ka rumal ba la theh dawai pyniapler (Chloroform) u la set ia ka shyn tur u Darnay, bad ynda u la iapler u la phong ia lade da ki jaiñ u Darnay, ia u Darnay pat u la pynphong da ki jong u. U da pynsad pynbeit ia u Darnay; nangta u la khot ia u rangbah phatok uba la lah pynbam tyngka lypa, ban rah sha ka kali ba la ap lypa habar. U rangbah phatok, u la leh kumba la ong bad u la wan iathuh ha u Carton ba u lok jong u u la lait suk, hynrei u Carton u la sah marwei ban shah khrai khlieh ha ka jaka u paralok jong u ha ka sngi kaba bud.

Ka step kaba bud ka la phyrnai sngi bha, ki kjat sngi ki la doh ia u shñiuh rong ksiar u Carton katba u dang ieng ha ki jingjam ka jaka khrai khlieh. Ha kane ka por u la sngewkmen ban tip ba u lok jong u da shisha u la laitim, u la leh ia kane namar u la ieit eh ia ka Lucy. Shuwa ban shah khrai khlieh u la pyrkhath bad phaidien ia la ka jingim lyngkar jong u baroh shilynter, bad u la sngewhun ba u la lah ban leh ia kane ka kam kaba khraw shuwa ba un iap. Shuwa ban hap ka wait ha ryndang, u la ong,

“Ka la kham bha bun bun shah ia nga ba nga la loh leh ia kane ban ia kiba nga la leh baroh ha ka jingim, ka long ka iing kaba kham bha bun bun shah ban ia ki iing baroh kiba nga la ju tip.”

LYNNONG XXVIII.

U MOHANDAS KARAMCHAND GANDHI.



Hapdeng ki kyrteng baroh ba ki briew jong ka ri India ki tip bha, dei tang ka kyrteng Mahatma Gandhi lane Gandhi, kaba ki ieit bad sugewbang eh. Ka kyrteng trai jong u naduh khyannah ka long Mohandas Karamchand Gandhi. La khot bad kynmaw ieit ia u da baroh ki briew ka ri kum u kpa ka jaitbyaniew India.

namar u la 'im bad u la aiti la ka jingim ban shakri ia ka ri bad ban pyllait ia ka na ka jingshahsynehar ha ki nongwei, kiba long ki Phareng. Ym don ba lah ban len ba u long uwei hapdeng ki briew kiba khraw tam kiba la mih ha ka pyrthei.

Ngan iathuh ia phi da kumno une u kpa ka jaitbynriew jong ngi u la ioh ia ka burom kaba kat kane. Ngam lah ban iathuh lut ia phi shaphang ka jinglong bad ki kam rangbah jong u. Phin sa pule shaphang jong u kham bniah ynda phi la kham rangbah. Ngan iathuh khyndiat shaphang ki sngi ka jinglong khynnah jong u kaba kum ma phi.

La kha ia u ha Porbandar, ha ka 2 tarik n Risaw ka suem 1869. U kpa jong u, u Kaba Gandhi, la um long uba rang ba stad na ka liang ka kot ka sla, u la long uba stad na ka liang ka bor pyrkhat bad ka jinglong ba bha. La n'iew burom ia u da ki briew baroh kiba la ithuh ia u, bad ka jingnang jingtbit jong u ha ki rukom pyniaidkam, ka la pyukiew ia u shaduh ba un long u Myntri Rangbah jong kawei ka hima trai ri ha ri India. ka Rajkot. Na kane ka jingiathuhkhana harum phin angewthuh ia u, u long u briew uba kumno. Shisien, uwei u rangbah sorkar u la krenbeifi ia u Syiem ka Rajkot ha khmat jong u. U Kaba Gandhi u la bitar lep, bad u la ong ia uta u rangbah sorkar ba um bit ban kren kum kita ki ktien. Uta u rangbah sorkar u la angewbitar bad u la

hukum ia u ba u dei ban pan map, bad u la phah set phatok ia u katto katne kynta, hynrei la katta ruh um shym pyndem ban pan map. Ha kaba khatduh ym banse ban pyllait noh ia u. Uba shlur bad uba kohnguh kum uta, u dei u kpa jong u Mahatma Gandhi.

Ka kmie jong u ruh kam long kaba kai. Ka dei ka jait briew kaba donburom bad kaba riewblei naduh la ka tynrai jinglong. Kam ju pep bau leit man ka sngi sha ka templ lane ka iingmane Hindu, ban leit sngap ia ka jingpule na ki Jingthoh Bakhuid ki kitap niam Hindu. Ka long ka briew kaba bat hok bad kaba bat pyrkhing katta katta ia la ki juban sha ki para briew ne sha la ka niam. Ka ju pynshitom khop ia la ka met ; kam khein wat la ka iap noh ruh khlem ioh pyndep ia la ki jingsmai bad ki jingkular ha khmat U Blei.

Na ki kmie ki kpa kiba kum kita la mih u 'riew radbsah, u Mahatma Gandhi u kpa ka Jaitbynriew India.

U Mohandas Karamchand Gandhi u la hynñiew snem ka rta haba u la sdang leit skul. U la long u khynnah uba lehraiñ briew bieit, u bym ju kham sngewbha ban ialang bad la ki para khynnah. Naduh dang rit ha la iing bad ha skul kumjuh, u la pyrshang ban long u khynnah uba leh hok, uba kren hok bad uba burom bad kohnguh ia la ki kmie ki kpa bad ia la kiba halor. U long uba tista ha la ka kam thik, u da trei shitom bad minot bha ia

la ka kam. U la leit sha skul ha ka por kaba-
biang thik, bad tang shu wai skul, u ju wan phai
beit sha la iing. Um ju lehkai, bad um nang
ia kano kano ka jingialehkai para khynnah. Ka
jingpynkhlaifi met jong u ka la long kaba shu
iaiakai bamlyer sha lum.

Na kawei ka jingjia phin sngewthuh uba
kumno u Gandhi u la long ha skul. Shisien
haba u nongkhmih skul u la leit khmih ia ka
klas jong u, u la ai kawei ka dikteshon ha ka
ktien Phareng. U Gandhi um nang ban spel
dak ia kawei ka ktien. Haba u nonghikai jong
u u la iohi, u la pyni dak ha u ba un bud ia ka
jingspel dak u para khynnah uba shong mar
syndah jong u, hynrei um sngewdei ia kata, bad
u nïew ba ka long ka bymhok ban bud ia ka
jingthoh u para khynnah. U nonghikai u la
batai hadien, aïu u la dei ban leh. U Gandhi
u la sngewsih ha la ka mynsiem ia uta u nong-
hikai ba u ong ban leh bymdei. Hynrei la katta
ruh, u Gandhi u la don kata ka mynsiem donbu-
rom. Naduh ba u dangrit, ba um ju tei pop ne
kynnoh ei ei kaba sniew ia la ki nonghikai
bad kiba halor wat la ki bakla ne duna katno
katno ruh.

Kat kum ka jinghikai ba u la ioh na la u
kpa bad ka kmie, bad ka jinghikai ka tnat niem
Hindu jong u, bym bit ban bam doh ei ei bad
ban dih duma sikret, u la ngat ha kine ki
jingpynshoi da ka jingialang lok. U la sngewsih
bad khulai sat ha lade. U la kut jingmut ha

lade ban leit phla ia la ki jingloh palat hukum
ha la ka kmie bad u kpa, hyarei u la sngewshep-
tieng, namar um tip au kan ia. .

Ha kaba khatduh, u la kut jingmut ba u dei
ban phla ia kiei kiei baroh ha la u kpa da kaba
shu thoh. Ka la jia ha kata ka por, u kpa jong
u u don ha ka jingthiah ba u pang. U la thoh
lut nadong shadong ia kaba u don ban ong ha la
u kpa bad ka kmie. U kpa jong u, u tang shu
pule ia kata ka jingthoh jong u, ha ka jaka ban
mai ban tim ia u, u la iam. Ki ummat ba la jaw
na ki khmat u kpa jong u kim shym long ki
ummat jingbitar lymae ki ummat sngewsh hy-
rei ki ummat ka jingieit ia la u khun. Ka la
ktah jur ia ka dohnud u kpa, hyarei kham jur
shuh shuh ka la ktah ia ka dohnud u khun, uba
naduh kata ka por hi, u la kylla kaba mut. um
ktah shuh ia kita kiba ki khmat jong u ki isih.

Katba u Gandhi u la nang san, u la long uba
lah bha ban pyadep ia la ki kamram kum u
khynnah skul, namar ka jinglong ba tista bad ba
kitkhis ia la ka kamram Namar ba u kpa jong
u u don ha ka kam syushar kum u Myntri
Rangbah ka hima, bad u hynmen jong u u la
long u 'riew saidthma mokotduma, ki la ia pyr-
khat lang ban phah shongkul noh ia u sha Bilat
ha ka kam Ais, ba un long Baristar. H. dien
kiba bun ki jingeh na ka liang ka kmie bad na
ka liang ka niam, u la ioh lad ban leit. U la
pyndep ia la ka kam shongkul ha Bilat da kaba
jem ha ki lai snem. Na ka liang ka jingpas
eksamin um shem jingeh shibua, ki jingeh kiba

khraw kiba u la dei ban ialeh ki long haŋkiwei
pat ki bynta.

Lai tylli ki jingsmai kiba u la smai ha la
ka kmie shuwa ba un leit sha Bilat ki long :
(1) Ban ym bam doh, (2) ban ym dih kiad bad
(3) ban long uba sottibad. U la donkam ban
ialeh ka thma kaba jur, ban ri ialade khlem
thoh dak bad khlem jingrem na kine ki jingsmai
jong u. U la donkam ban shah shibun ki jing-
shitom bad ki jingkrenbeifi, hynrei haduh ka
sngi kaba kut u la wan phai sha la ka ri, u
briew uba jop lin ha baroh ar ki jingthmu jong
u ; jop ha ka Klas bad jop ruh ha kaba bat ia la
ka jingsmai.

Phin sugewtynnad ban tip shaphang ka
rukum im jong u Gandhi ha Bilat Ha kaba
nyngkong. u la bud sahep bha nadong shadong.
U la aiti lut ia lade ban long u 'riew donburom,
ban ym duna ei ei ruh ia u Phareng uba khraw,
naduh ka bam ka dih, ka riam ka beit, ka shong
ka sah bad ki lok ki jor. La pynsgew ia u da
ki paralok na ri India bad na ki nonghikai jong
u, ba ha ki snem ba lyngkot ba un don ha ri Bilat
u dei ban tip bad ban nang ia ki rukom Bilat
baroh. Ynda u la pynleit jingmut ia lade kumta,
u la shem ba ka jinglut jingsep ka poi sha bneng
sha khyndew. U la pyrkhat shaphang la u kpa
bad ka kmie bad la u hymmen, haduh katno ba
ki shah shitom na ka bynta ban kit ia ka jinglut
jingsep jong u. Na kaba u shong ha Hotel u la
leit shong bam bnai ha ling ki briew, nangta u

la leit shongwai artylli ki kamra kiba rit, bad ha kaba khatduh u shongwai tang iwei i kamra. Mynstep u la shet hi ia la ka jingbam bad janmiet u la leit bam ha iew. U la jied ia ka jaka shong jong u bun mail na iew bad na Kollej khnang ba un ioh ia id kjat man ka sugi. Artylli ki jinghikai kiba kordor ba ngi ioh na ka rukom im u Gandhi ha Bilat :—(1) U la pynmlien ia lade ban trei shitom ha ka kam pule, bad kaba trei da la ki kti bad ia id man ka sugi haduh 7 bad 8 mail. Kane ka la pyllait ia u na kiba bun ki jingpynshoi ban ring ia u sha ka jingthoh dak ha ka lang ka met bad ka mynsiem. (2) U la pynmlien ia lade ba un ym pynlut wat shi damli khlem buh jingkheih, bad u ju bishar ia la ki jingpynlut ba kin ym palat ia ka jingioh jong u : ha ka jinglong rangbah jong u, u phla ba kane ka la pynlah ia u ban pyniaid ia ka kam khlem kitram ei ei, wat lada la aiti ha u da ki lak tyngka

Haba u Gandhi u la dep la ka kam ha Bilat u la wau phai sha ri India. Ka khubor kaba nyingkong ba u la ioh ka long ba ka kmie jong u ka la isp, bad ym shym pyntip ia u namar ba tieng ioh kan pynwit ia ka jingshongskul jong u. Lyngba ki sugi ka jingim jong u, u la iakyeduh ia ki jingsugewash bad ki jingeh suda. U la ia leh tynggeh na kawei ka por sha kawei pat ka por, baduh ba lyngba ki thma ba bun jait u la jop ha kaba khatduh, ban ialam ia ka ri India, sha ka jingjop thiaw, ban beh ia ka Sorkar Bilat na ri India, khlem da pynmih snam wat shijaw.

Haba ngi bud ia ka jingim u Mahatma Gandhi, u don ka hok ban shong ha ka jaka ba ha khlieh tam hapdeng la ki parabriew namar kane ka jinglong jong u : u la kut jingmut skhem bad u pynlong kam ia la ka jingkut jingmut jong u baroh shilynter, ban ym pynmynsaw ia la u para jingthaw, ban ieit ia ka jingshisha, ban fiewkor bad fiewburom ia la ki parabriew baroh, da kaba pyniaryngkat ia lade bad kiba rit bad kiba halor baroh, bad ban ngeit ha U Blei. Baroh shilynter ka jingim jong u, um klet kawei ka ngi ban mane ia U Blei. Ha ka jingialeh pyrshah sorkar baroh, u la leh ia kata kaba u sngew ba ka long kaba hok bad kaba shisha khlem da pynphai kylliang ia kaba sniew namar kaba sniew, hynrei u sniew ka spah bad ka burem haba u pynphai kylliang ia kaba sniew da kaba bha.

LYNNONG XXIX.

U JAK BAD U JYNTANG BIN— I

Ha ka por u Alphred Syiem, la don kawei ka riewkynthai kaba duk, bad ka la don uwei u khun shyurang uba kyrteng u Jak. Ka kmie ka la ieit than ia u, bad ka la aili eh, haduh ba u la long u khynnah uba jaipdeh bad uba pathair than na ki para khynnah baroh. Ki rukom aihia bad lutphut ase u Jak ki la pynkynduh ia ka kmie, haduh ba ym sah shuh ei ei ba kam bam, Kumta ka la ong ba u Jak, ka da

jaw ummat ruh artad, ba ka dei ban die noh ia ka masi, ba kan ioh tyngka ban thied jingbam. U Jak u la sngewsih, haba u iohi ia la ka kmie ba khuslai katta katta, bad u la ong, ba lada kan shaniah ha u, un ñiah ia ka masi sha kawei pat ka shnong, bad un die rem shibun ia ka. Te ka kmie ka la mut, ba lehse u khun jong ka u la ioh bha ka jingsneng, na ka jingkyrduh kaba la ngat ha ki, bad, da kaba kyrmen ba un leh bha, ka la shah ba un shim noh ia ka masi.

Hynrei uta u khynnah uba alhia, u tang shu lait na kaba iohi ka kmie, u la shong kulai noh halor ka masi, bad kumta u la nang leit sha kata ka shnong. Te ynda u la leit kumba shiteng lynti duna, u la iashem bad uwei u nong-shohdoh, uba don ki bin kiba iphylla, ba u la seh halor ka tupia jong u. U Jak u la iohi ia kata ki bin bad ki la itynnad sat haduh ba u la ikwah ban ioh ia ki,

Kumta u Jak u la khmih shaiñ ia kita ki bin, bad uta u nongshohdoh u shu khmih ia ka masi. U la sngewkmen eh, ba u lah ban ioh tad shibun ia ka masi na u khynnah uba ibieit kat u Jak; kumta u la kylli ia u, la un ai pli ne em ia kata ka masi namar kita ki bin ba itynnad kiba ha ka tupia jong u. U Jak u la itynnad katta katta ia kita ki bin, bad u la kohnguh shisyndon. Hangta u la rynsied na kata ka masi, u la shim ia kita ki bin, bad u la mareh stet katba lah, ban lathuh ia la ka kmie

kumno ba u la leh. U la khmih lynti ba ka ruh kan sngewbha, kumba u sngewbha. Haba kata ka riewkynthei kaba pli ka la tip ia ka jingleh bieit kaba khraw jong u, ka la sngewdiaw bad bitar, haduh ba ka la bret noh shabar ia kita ki bin na ka jingkhangiit ; te baroh arngut, bad kmie bad khun, ki la leit thiah noh, khlem ja shikyntien

Kum lashai mynstep, u Jak u la khie dangstep ; te u la lyngngoh haba u la iohi, ba la kah ia ka jingkhangiit da ki sla kiba iar jong kawei ka jingthung kaba um pat ju iohi mynno mynno. U la phet kynsan sha ka kper, bad u la shem pleng ba kita ki bin ki la suh thied mynmiet, bad ba ki la san shajrong eh, haduh ba ki kliar ki la san ha ka rukom kum ka jingkieng ka ban kiew jyn haduh ka sahit bneng. Te u Jak u la thmu hangta hi, ba un kiew ia uta u jyntang bin ; bad la ka kmie ka la pyrshang katba lah ban khang, u la sdang shisyndon ban kiew. Kumta u la nang kiew artet la arted ; bun kynta u la kiew, haduh ba u la thait shibun eh. Hynrei u la poi sha ka ri kaba pher shibun. Hangta u shem, ba dieng ruh ym don, jingthung ruh ym don ! Ka iing kaba kumno kumno, lane u jingthaw uba im, haei haei um iohi. Hangta u Jak u la sngewsih ba um shym sngap ia la ka kmie bad u la sdang ban sheptieng, ioh u iap thngan katba u pyrshang ban leit hiar pat.

Hynrei kumta kumta hi, kawei ka mem samla kaba bhabriew ka la paw ha u : bad katba

u Jak u dang angowlyngngoh lyngngaiñ kata ka mem kaba bhabriew ka kylli ia u, kumno u la poi shata. U Jak te u la iathuh shaphang uta u jyntang bin. Hangtaaka la kylli ia u, la u kynmaw ne om ia la u kpa : u khynnah u la iathuh ba um kynmaw shuh. U la ong ruh ba, katba u kylli ia la ka kmie shaphang u kpa, ka ju iam angowsih shibun eh, bad ba kumta, um nud kylli shuh ia ka. Ynda kumta kata ka mem ka la ong, "Mynta ngan iathuh baroh shaphang jong u, naba nga tip lut. Hynrei phi dei, shuwa, ban kular ba phin leh ia kaba nga hukum ia phi. Nga long ka puri, bad lada phin ym pyndep ia la ka ktien, ngan pynshitom da kaba pyniap ia phi". U Jak, la u la sheptieng ruh, u la kular ban leh kumba ka la kwah ia u; hadien kata te, ka la iathuh ha u ia ka jingiathuhkhana shaphang u kpa jong u.

LYNNONG XXX.

U JAK BAD U JYNTANG BIN—II

"U kpa jong phi", ong kata ka puri, "u la long u briew uba riwspah, bad uba sbun. Ka la long ka rukom jong u borabor, ban ym pynlut kawoi ka angi khlem leh ei ei kaba bha ia uno uno; bad, shisien shitaiew, u la ju khot bamja sha la ling ia ki kynja baduk eh baroh. Kumta, ka nam jong u ka la phriang kylleng bad ki briew ki la ieit shibun ia u. Ka nam ki jinglebbha jong u ka la poi sha ki shkor jong uwei u rakod uba ruar : te u la kwah ban pynriwspah ia

lade, da kaba pynjot ia u kpa jong phi. Uta urakod lem bad ka tnga jong u, ki la wan sha iing u kpa jong phi, bad ki kmie ki kpa jong phi ki la khot angewbha ia ki.

“Te ha kawei ka sngi, la khie ka eriong kaba jur baroh shilynter ka rud duriaw ; haba u khmih na ka iit tyndong, u la iohi ia ki lieng lama ba ki don ha ka jingshitom eh ha duriaw. U la leit sha u kpa jong phi, bad u la kyrpad ia u, ba un phah ia la ki shakri baroh, kat kiba u lah ban pyllait ba kin leit iarap ia kita ki riowlieng kiba pli. U la tip lypa, ba u kpa jong phi un phah iarap kumne kumne. Khala khala ki shakri baroh, lait sa teng ka aia jong phi, bad u durwan, ki la leit sha rud duriaw. Te ki tang shu lah leit noh na iing, ba kim lah ban iohi shuh uta u rakod u la ktah kti ia u kpa jong phi uba pli, bad u la pyniap ia u. Hadien kata u la pyniap ia kita ki shakri baroh arngut, bad sa ba un pyniap ia phi ruh, bad ia ka kmie jong phi.

“Ha kata ka por, phi dang khunlung, dang lai bnai ka rta. Ha ka jingsheptieng, ka kmie jong phi ka la dem ngon ha ki kjat jong u, bad ka la kyrpad eh ba un pynsah ia ka mynsiem jong phi, bad ia ka jong ka. Ynda la shibit, uta u rakod u la ong, ba un ym pyniap ia phi, lada ka kmie kan kular skhem ban ym iathuh ha phi shaphang u kpa. Kumta kumta ka kmie, ynda ka la kular, ka la phet iap noh na kata ka jaka. Uta u rakod u la lum lang kyrkieh ia ki spah u

kpa jong phi, u la thang ia ka iing, bad u la phet noh lem bad la ka tnga, shuwa ba kin wan ki shakri.

“Ka kmie jong phi, ka la iaid sakma shane bad shawei, haduh ba ka la poi sha kat ka iing rit, ha kaba phi la iashong baroh shikatta. Te nga kwah ba phin tip, ba nga la pynshoi ma nga ia phi ban thied ia kita ki bin, khnang ba phin pynioh pat ia ki mar u kpa jong phi ; bad nga la pynsan kloim nga keñ ia ki jyntang bin. Nga kwah ban ai lad ia phi, ba phin pynshitom ia uta u rakod, bad ba phin pynioh pat ia kiei kiei ki jong u kpa. Kiei kiei baroh, lait kiba uta u rakod u don, ki long ki jong phi da ka hok. Tang ba phi dei ban kular mynta ba phin pyniap ia u nongpyniap u kpa jong phi. Hynrei phin sumar bha, ba phin ym iathuh ia la ka kmie ba phi la tip ia kine baroh tad yunda ngi la iashem pat.

“Mynta to khie. Iaid beit na kata ka lynti kaba ha shuwa jong phi. Ynda katto katne phi la poi sha iing uta u rakod. To kynmaw khnang ba katba phin kohnguh ia ki hukum jong nga, nga ruh ngan sumar ia phi.” U Jak u la kular ban leh kumba la ong kata ka puri ; kumta ki la iakhlad noh.

LYNNONG XXXI.

U JAK BAD U JYNTANG BIN—III

Ynda kata ka puri ka la iehnoh ia u, u Jak u la nang iaid la ka lynti haduh ba la sep ka sngi ; hangta te u la poi sha kawei ka iing kaba heh, hapdeng ka kper iaidkai. Haba u iohi ia kawei ka kynthei ba ka ieng ha jingkhong u la leit sha ka bad u la pan shilyngkhot u ruti, bad ba kan khot thiah basa ia u tang shimiet. , Waw ! kynrad," ong kata ka kynthei, "ngam nud ; u tnga jong nga u long u rakod uba khlañ bad u sngewbha eh tang ban bam doh briew. Mynta um don ha iing hynrei lada un wan, khala khala u la khoh suieh ia phi." U Jak u la sheptieng noh her, hynrei u la kyrpad ia kata ka kynthei, ba kan khot tang shimiet ia u, bad ba kan buhrieh ia u shaei shaei katba ka lah. Kumta kata ka briew ka la isynei ia u Jak bad ka la leit lam ia u sha iing.

Nyngkong eh, ki la rung sha kawei la kamra kaba khraw, ia kaba la ñiad rong itynnad, bad ba la suit ksiar. Nangta, ki la iaid sha kiwei kiwei ki kamra kiba itynnad, kat kata kaba nyngkong. Hynrei ym don briew ha kine baroh. Ynda katto katne, ki la poi sha kawei ka lynti khim, kaba shu shai byrngut byrngut. Ha kata ka jingshai kaba rit, u Jak u la lah ban iohi ia ka jingkerkriah, kaba da ki nar, kaba kot baroh shilynter kata ka lynti. Hangta la don ka along bad nangta ki mih ki jinglynñiar ki briew

kiba pli, ki ban sa long ka jingbam ia uta u rakod uba runar. U Jak u la sngewshyrkhei s'tibun, haba u la iohsngew ia kata ka jinglyn-fiar, bad u la sdang ban mut, ba lehse kata ka briew ka la ialam ia u sha ka jingriam.

Hynrei ynda ki la lait na kata ka lynti khim kata ka kynthei ka la ialam ia u sha ka kamra shetja, bad ka la ai ha u ka jingbam kaba bha. Hangta u la klet ia la ka jingkhaweit ; hynrei haba u dang bam da kaba sngewbha, la tied ia ka jingkhang kumba riew u pyrthat, haduh ba la khynñiuh ka ling baroh kawei. Kata ka tnga u rakod, ka la buhrieh ia u Jak ha u nar shet kpu, bad ka la march bran bran ban plie ia ka jingkhang ia la u tnga. "Ak sma bru i" ong uta u rakod, haba u dang rung sha iing. "Em," ong ka tnga, "dei tang kita ki koidi ha li along." kumta u la wan sha iing, u da khñium artad ; bad u Jak, shitong iap shitong im u shu dem ha la ka Jakarieh, u da khynñiuh that that, naduh khlieh haduh kjat.

Ynda katto katno, uta u rakod u la shong jar jar, katba ka tnga ka khreh jingbam ia u : te u Jak u khmih na ka jingpdang kata ka nar shet ; bad u la lyngngoh ia kaba katno ba uta u rakod u lah ban bam. Ynda u la dep bam, uta u rakod u la ong ban wallam ia ka syiar ha u, Ka tnga jong u, ynda ka la wallam, ka la buh ia ka ha ka miej. Te katba uta u rakod u ong, "Kha". kata ka syiar ka la kha da ka pylleng ksiar kaba tylli ! Hamar hangta, ka tnga jong u

ka la leit thiah noh ; bad uta u rakod, ynda u la pynsngewbha ia lade kumne kham slem, u ruh u la shoh samthiah noh Bad u la thiah hangta ha ka miej, bad u la kysnok jam eh, haduh ba ka jingriew ka la long kat ka jong ka tup.

Ynda mynstep, u jak haba u iont ba u dang thiah, u la par mian na la ka jakarieh, u shim noh ia kata ka syiar bad u la phet iap noh. Shen shen, u la shem ia uta u jyntang bin, u la leit hiar khlem shitom eh. Ka kmie jong u ka la sngewbha shibun eh ban iohi ia u, namar ka la niw ia u kum uba la iap. U Jak u la ong ha ka ba u la wallam oi oi, ka ban pynbiang ia ki namar ka jingjaipdeh jong u kaba mynshwa ; bad haba u la ong kumta, u la pyni ia ka syiar kaba u la rong noh. Na kane ka syiar kaba phylla, bad kita ki pylleng kaier kiba ka la kha, kine arngut shikmie shikhun ki la man riwspah, bad ki la suk.

Ki la im suk bun bnai kumta ; hynrei u Jak u la kynmaw ia la ka jingkular ia kata ka puri, ba un ym iehnoh khlem pyuiap ia uta u rakod, uba ia pynduh ia ka mynsiem u kpa jong u.

LYNNONG XXXII.

JAK BAD U JYNTANG BIN—IV.

La ka kmie jong u ka khang katno katno u Jak u la kut jingmut ban kiew ia uta u jyntang bin pat sa shisien. Ka ong ha u ba ka tnga uta

u rakod ka nym khot shuh ia u; bad ba uta urakod un pyniap ia u, namar ba u la tuh ia ka syiar jong u. Hynrei u Jak u la pyrkhat bha ba un leit

Bad ynda u la ioh shiriam ki jaiñ thym-mai, bad ba u la suit rong ia la ka met ban pynpher ialade, u la sdang ban kiew ia uta u jyntang bin. Arted-la-arted u la kiew pat, bad u la leit sha iing uta u rakod. U la poi hangta hamar ba sep ka sngi, bad u la shem ia ka tnga u rakod ha ka jingthang, kum mynshuwa. U Jak u la kyrpad ban khot basa ia u shimiet. Ka ruh ka la jubab ia u kum mynshuwa, bad ka la ong ruh ba kumba lai bnai mynshuwa, ka la khot iing ia uwei u khynnah uba sniew bad u ruh, u la tuh kawei na ki mar kordor jong u tnga jong ka. Naduh kata, uta u rakod u la kham runar ban ia kaba u ju long, bad ka sheptieng shibun ioh un pyniap ia ka ruh. La kumta u Jak u la kyrpad sngewasynei eh, haduh ba kata ka kynthei ka la khot ia u sha ka kamra shetja; ba ynda u la bam kdang, ka la buhrieh ia u ha kawei ka pulit hamar ba uta u rakod un sa wan sha iing.

Ynda u la :wan u la sma kylleng kylleng bad u la ong kumba mynshuwa, "*Ak sma bru!*" "Em," ong ka tnga, "ki tyngab ki la kum pynsah shilyngkhot ka doh im halor iing." Kumta u rakod u la khñium-pe-khñium tad ynda la pynsngap ia u da ka jingbam ka ban biang ia arphew ngut ki briew. Haba u la bam kdang bha, u la ong ban wallam ia ki byrni tyngka jong u. U Jak u la khmih syntiat na la ka

pulit ; te la shibit u la iohi ia ka tyngka ba ka wallam ; artylli ki byrni kiba khia, kawei ka dap da ki muhor ksiar, bad kawei pat da ki tyngka. Ynda u la ñiew ia ki bunsien, uta u rakod u la iohthiah noh, bad u la kynsnok kham jam shibun ban ia ka jingkyrhuh u khla. Haba kumta u Jak u pynmih kawei ka kjat, hadien kata u pynmih sa ia kawei ; bad, da kaba iaid kynjing, u la leit sha kata ka miej u da kynrup ia kita ki byrni, bad haba u la kieng ia ki ha ka tyrpeng, u la leit noh sha uta u jyntang bin. La u dem ba khia eh ka jingkit jong u, pynban u la lah ban ñiar khlem lei lei.

Haba u la poi sha ka jingkhang iing, u la sngewsih, namar ba u shem ba ka kmie jong u ka la pang eh, namar ba u la jah noh ma u. Hynrei haba ka la iohi ia u, ka la adang ban koit pat. U Jak u la ai ha ka ia kita ki byrni tyngka. Da kita ki tyngka ki la tei pynbha ia la ka iing, bad ki la pynioh ki jingbuh jingsat kiba itynnad ban buh ha iing baroh sawdoug. Kumta, ki la shong suk ha kata ka iing thymmai kumba lai snem ; te ha kita ki lai snem, kim shym ong shikyntien shaphang uta u jyntang bin.

LYNNONG XXXIII.

U JAK BAD U JYNTANG BIN—V.

Ha kaba kut lai snem, u Jak u la ong ba un pyrshang ia la ka bok pat sa shisien. Ia kaba pyrkhata, u la pyrkhata la bun bnai, bad bunsien

u la khmih ia uta u jyntang bin. Kumta ha kawei ka step, u la kiew arted, bad u la ia id na kajuh ka lynti ; u la shem ruh ia ka tnga uta u rakod ba ka da ieng ha ka jingkhong iing kum mynshuwa. Hynrei mynta, da kaba eh shibun, ba ka la shah ia u ban rung sha iing. Haba u la pynkohnguh ia ka, bad ba u la ioh rung sha iing, ka la buhrieh ia u ha ka nar tiow um, hamar ka por ban wan sha iing u tnga jong ka.

Kumba mynshuwa, mynta ruh uta u rakod u la pyrta, "*Ak sma bru !*" U Jak um pyrwa ei ei, ha kaba nyngkong, hynrei uta u rakod u la ia id kyllong ia kata ka iing shetja, u la khmih bniah ia ki dong baroh bad u la buh ia la ka 'ti duh ha ka jingtap jong kata ka nar tiow um, ha kaba u rieh. Hangta u Jak u la sheptieng bad u la khynfiuh baroh shirynieng. U la iai wad haduh ba ka tnga jong u ka la wallam jingbam ia u.

Te ynda u la bam, u la hukum ia la ka tnga ba kan wallam ia ka duitara jong u. Haba la buh ia kata ka duitara ha ka miej, u rakod u la ong, "*Tem*", shisyndon ka la tem hi da ki jingkynud kaba sngewtynnad bym lah ong shuh. Uta u rakod u la sngewbha haduh ba u la sdang ban shad. U Jak ruh u la sngewtynnad ia kata ka jingkynud haduh ba u la kham sngewkwah ban ioh ia kata ka duitara ban ia kaba u kwah ia kita kiwei ki jingkordor. Kata ka jingkynud ba bang ka la pyuiohthiah shen ia u rakod ; hangta u Jak u la khyndied ia ka jingtap, bad u la mih noh

u la shim bak ia ka duitara. Namar ba ka la long ka duitara ba jadu, ka la lynfiar shisyndon, "Kynrad ! Waw Kynrad !" bad uta u rakod u la peit. Kynsan u la fëhg, bad u la pyrshang ban beh ia u Jak. Hynrei, namar ba u la dih kiad eh, u lah tang ban shu iaid shen shen.

U Jak te u her kat ka lyer, sha uta u jyntang bin. U la sdang ban hiar kyrkieh, bad u la poi suk sha tbian. U la pyrta, "Wallam weit kumne kumne !" te ki la wallam. Bad haba uta u rakod u la wan haduh ka kliar uta u jyntang bin, u Jak u la khet ia u na trai. Hangta u la hap, bad uta u rakod u la kyllon da khongpong sbak sha kper, bad u la iap noh ha kata ka jaka.

Ka kmie u Jak ka la sngewbha shibun haba ka la iohi ba la khet noh ia uta u jyntang bin. Hangta ka la paw pat ka puri, bad ka ong ha ka kmie, ba ka la iathuh ia u Jak shaphang uta u rakod, bad shaphang ka jingleh ranar jong u ia u kpa jong u. Hadien kata, ka puri ka iakren sa ia u Jak, bad ka la ong ia u ba un kohnguh ia la ka kmie bad un bud ia ka rukom u kpa, da kaba un im khnang ban leh bha. Hadien kata, ka la jah noh.

U Jak um shym klet shuh ia ka jingsueng jong ka, bad u la pan map shibun na la ka kmie namar ki jinglehbieit jong u kiba mynshuwa. U la long u khun uba tipsngi, bad u la long u rangbah uba donburom.

LYNNONG XXXIV.

U SIM PUHDIENG.



1. U Sim Rynfiaw, u s'iem ki sim,
Dorbar u lum u lang;
Ban tip kumno ka iap ka im,
Baroh paidbah paidlang.

2. Jait sim baroh ki iapoi lut,
Ha dieng ba iar ba jrong ;
U s'iem ruh de kumba u mut,
U iaide bishar sawdong.

3. U s'iem Rynñiaw, kumne u ong,
"Paidbah, phi sngaid baroh ;
U sim thohbroiñ hapoh kyndong,
Tang u uba raikhoh".

4. "Iathuh ha nga ka khia ka shon,
Kaei ka duk ka pap,
Ka jingsogewsih siu me don ?
Baroh te ngin iarap".

5. U sim raikhoh um nang ang shuh,
La dum ka buit ka stad ;
Namar la shem ba u jaituh,
Ban leit ka iew ka hat.

6. Ynda u s'iem u lap ka daw,
Ba dei uba jaipdeh ;
Ia kiwei te u sneng u kraw,
Ia u, u leh tyngoh.

7. Kumta u s'iem ba stad u ong,
 "Rangbah ym bit shong ling;
 Hynrei u sim thohbriaw un shong,
 Ha ling ba un thlich dieng.

 8. Hadien u s'iem u leit ialam,
 Ia u ban shong bylla;
 Ki sim ia u ki rah jingbam,
 Kum ka bainong bylla.

 9. U sim puhdieng, ia u ki ong,
 Kumba iapan hukum,
 U puh ki dieng, ban ioh bainong;
 Kiwei pat ban buh skum.
-

LYNNONG XXXV.

U KHUN SARONG AWRIA

La don uwei u briew uba don arngut ki khun shynrang : uba kham poh te na ki u la ong ha u kpa jong u Ko Pa, to ai ha nga ia ka bynta kaba hap ha nga na kaei kaei kaba don. Te u la pyniabynta ha ki ia la ka jingim.

Te ym bun sngi hadien kata uta u khun uba kham poh, u la lum lang ia kiei kiei baroh, bad u la leit jingleit sha ka ri kaba jngai ; bad hangta u la pynsyrwa noh ia ka bynta jong u, ba u da leh sarong awria. Te ynda u la pynlut ia kiei kiei baroh, la jia ka nemsnew kaba khraw ha kata ka ri ; u ruh u la sdang ban sngew kyrduh. Ynda kumta u la leit ialok bad uwei na ki trai shnong kata ka ri ; te uta u la phah ia u sha ki lyngkha jong u ban ap sniang. Te u la kwah eh ban pynkdang ia la ka kpoh da kita ki kop soh dieng ia kiba ju bam ki sniang, te ym don ba ai ia u.

Hynrei ynda u la kynmaw bynriew u la ong : Katno ngut ki shakri u kpa jong nga kiba don ka jingbam kyrhai, nga seh hangne ngan sa iap thngan : Ngan ieng joit bad ngan leit sha la u kpa, bad ngan ong ha u, Ko Pa, nga la leh pop ia ka bneng, bad ha khmat jong me ; te ngam long shuh uba dei ba yn khot khun jong me ; to pynlong ia nga kum uwei na ki shakri jong me.

Te u la ieng joit, bad u la leit sha la u kpa. Hynrei haba u dang jngai ruh, u kpa jong u u la iohi ia u, bad u la sngewsynei, bad u la march, u la dem ruh ha ka ryndang jong u, bad u la iaidoh ia u. Te uta u khun u la ong ia u, Ko Pa, nga la leh pop ia ka bnong, bad ha khmat jong me : te ngam long shuh uba dei ba yn khot u khun jong me. Hynrei u kpa u la ong ia ki shakri jong u : Wallam kloï ia ka jaiñkup kaba kordor tam bad to pynkup ia u, to buh ruh ia ka sati ha ka kti jong u, bad ia ki juti ha hi slajat jong u. Bad to wallam ia uta u khun masi ba la pynngaid, to pyniap ruh, to ngin iabam, ngin ialehkmen ruh ; naba une u khun jong nga u long uba la iap, te u la im pat : bad u la long uba la jah noh, te la shem pat ia u. Kumta ki la sdang ban ialehkmen.

Te uta u khun nyngkong jong u u la don ha lyngkha ; te katba u nang wan bad nang hajan kata ka ling, u la iohengew ia ki jingput jingtem bad ia ka jingshad, Te u la khot ia uwei na kita ki shakri, bad u la kylli, ki mut aïu kine kiei kiei ? U te u la iathuh ha u : Ba la wan u para jong me ; te u kpa jong me u pyniap ia uta u khun masi ba la pynngaid, naba u la ioh pdiang pat ia u uba koit ba khiah,

Hynrei u la bitar, bad um mon ban rung hapoh ; namarkata u kpa jong u u la mih habar, bad u la khroh ia u. U te u la iathuh bad u la ong ha la u kpa : Ha khmih, la katta snem nga shakri ia me, bad mynno mynno ruh ngam ju

palat ia ka hukum jong me : pynban mynno
mynno ruh mem ju ai ha nga wat ia i khunblang,
ba ngan ioh ialehkmen bad ki lok jong nga.
Hynrei haba la wan une u khun jong me, uba la
bam duh ia ka jingim jong me bad ki nuti, me
la pyniap na ka bynta jong u ia uta u khun masi
ba la pynsgaid.

U te u la ong ia u. Ko khun, ha la ka sngi
me don lem bad nga, bad kiei kiei baroh ki jong
nga ki long ki jong me. Te ka la dei ban ialeh
kmen bad ban ialeh angewbha : naba une u para
jong me u la long uba la iap, te u la im pat ; bad
u la long uba la jah noh, te la shem pat ia u.

LYNNONG XXXVI.

KA SIM AKU-AKAW.

Ha Ri Khasi jong ngi don bun rukom ki sim. Don napdeng kita kiba don ka kyrteng kaba don jingmut. Ngan iathuh kai shaphang kawei na ki sim ba ngi khot kyrteng ka Sim Aku-Akaw.

Ka kyrteng kane ka sim ka adang kumne:—
La don uwei u briew uba don iwei i khun kynthei, bad kaba pli ka kmie ita i khynnah ka la iap noh. Kumta u la ioh da kawei pat ban wan long kmienah ia ine i khynnah. Nangta u leit sha dkhar, bad shuwa ba un leit u la kylli ia la i khun kynthei, “Ngan wan rah jingbam aiu ia phi khun?” I la jubab, Wan rah da u kpieng moiñ, phi Pa” I kpieng moiñ i dei i kynja jingput. Bad ynda u la wan na dkhar u la wan thied ita i kpieng. Hangta u la leit biang sa shisien. U la kylli biang ia la ka khun, “Ko khun, mynta ka sien leit ngan wan rah jingbam biang ia phi daei khun?” Ka la jubab, “Wan rah shitiewsla u jalbi, phi, Pa”.

Kumta u la leit bak. Ha kawei ka ang katba uta u kpa u dang don sha dkhar, kata ka kmienah ka la phah dung kba ia ita i khynnah. Nangta ka la beh ia i na ling bad i phet; hynrei i wan phai biang sha ling ynda janmiet. Kumta ka la phah khlong kba. Hamar ba i dang khlong kba ka dung da u synrei bad kti bad kjat,

nangta, bad khlieh bad met baroh hangta hapoh u thlong, haduh ba in da iap duh khoit. Nangta ka leit bret noh bad i sa kylla sim bad i pah da ka sur kaba sngewsynei ban sngap, "*Aku u-akaw, aku-akaw, aku-akaw*". I thaw skum pynmadan ia lade da ki shynraiñ dieng halor uwei u dieng.

Ynda wan u kpa, u phah pom ia uta u dieng bad i leit iathuh ha la u kpa ia kaba la jia baroh. U kpa u bitar lep. U leit mar mar sha kata ka kmienah jong i: u shim ia ka bad u kyriah ia ka da ka wait kumba kyriah kha blang haduh ba k.n da iap. Ita i sim im lah kylla briew shuh, hyurei i shu her borabor na u dieng sha u dieng sha khyndew haduh kane ka sngi bad ka pah sngewsynei artat, "*Aku-u-u-u-akaw, aku-akaw*".

LYNNONG XXXVII.

KA KTIEN KHASI.

Kawei ka bynta kaba khraw ha ka ktien Khasi ka long ki ktien ba ju khot ki ktien kynnoh. Ha badei badei ym don jingmut ei ei ha ka ktien kynnoh, hynrei bunsien ruh ka don ka jingmut kum, "ka shet ka tiew", "u khaw u kba" bad kiwei kiwei. Hangne harum ngin buh khyndiat ki ktien kynnoh kiba long *adverb*.

Ki *adverb* ki long ki ktien ba la ju pyndon-kam lem bad ki *verb*, ki *adjective*, lane bad kiwei pat ki *adverb*; ngan pyni ia ka rukom jong ki kumne:—U la mareh sted. Ha kane ngi ong ba ka ktien "mareh" ka long *verb*, bad ka ktien "sted" ka long *adverb*, kaba pyni kumno uta u mareh,—ba u mareh sted; Pat:—Kane ka jaiñi ka long kaba saw hem. Ha kane ngi ong ba ka ktien "saw" ka long ka *adjective*; hynrei don bun rukom ki rong saw, namarkata, la ong hangne, ba ka saw hem ban pyni kumno ka rukom ki rong saw. Sa kane pat:—U la lynñiar kthang eh. Hangne ka ktien "kthang" ka long *adverb*, ba ka pyni kumno u la lynñiar: ka ktien "eh" pat ka long ka *adverb* kaba pyni haduh katno ka long kata ka jingkthang, kaba kthang eh.

Ha ka ktien Khasi, kine ki adverb ki bun
 than eh, bad ngim nud ban ong ba ngi la narg
 ia ka ktien Khasi lada ngim pat lah ban kham
 pyndonkam ia kine ki adverb.

KI KTIEN KYNNOH—ADVERB.

kynkhlik kynkhlek	(leh)	sak sak	(beit)
shahoid mahoid	(ang)	har har	(pyrhut)
kynthnid tharanid	(iaid)	um um	(saw)
hur hur	(ih)	lymum lyngum	(sngaid)
haiñ haiñ	(saw)	jum jum	(jem)
hem hem	(saw)	tnaw tnaw	(eh)
sia sia	(mareh)	jyllieb khapngaiñ	(sngap)
mur mur	(jem)	shop shop	(iaid)
mer mer	(stem)	thar thar	(iaid)
p̄her p̄her	(lieh, shai)	kyntiak kyntak	(leh)
roit roit	(leh)	bran bran	(iaid)
soit soit	(leit)	mian mian	(kren, oto)
kloi kloi	(wan, etc.)	sor sor	(thap)
jang jang	(shong)	thrait thrait	(shop)
thir thir	(her)	phrak phrak	(dung)
thala thaleiñ	(leh)	junom bhor	(im)
phalang phaber	(kren)	shen shen	(iaid)
thananak }		tiaw tiaw	(iaid)
thananak }	(sied)	hir hir	(beh)
riap riap	(beh, tur)	thor thor	(sting)

kram kram }	mlen mlen	(par)
krum krum }	(phet) mlun mlun	(par)
lin lin	(tap) ur ur	(riew)
sap sap	(bsuh) malu mala	(trei)
liw liw law law	(thngan) teng teng	(tied)
hor hor	(kren) hateng hateng	(wan)
her her	(iw) kthai kthai }	(iaid)
laiñ laiñ	(her) thai thai }	
luiñ luiñ	(thew) them them	(pynnoh)
deng deng	(bah) ñior ñior }	(khih)
brum brum	(iaid) ñiur ñiur }	
prum prem }	ior ior, iar iar	(iaid)
prem prem }	(iaid) thaiñ thaiñ	(riew)
sit sit	(kjit) then then	(iaid)
kdor kdor	(riew) kyrdep kyrdep	(iaid)
jun jun	(met) jalla jalaïd	(bam)
lbing lbing	(leh, khraw) tana tani	(leh, kup)
shaw shaw	(riew) parum pareh	(shong)
plew plew	(peit) khak khak	(teh)
plaiñ plaiñ	(khmih) rak rak	(tyaruh)
klew klew	(peit) ruk ruk	(dung)
kynthem kynjai	(iaid) lbeng lbeng }	(shong)
ngiah ngiah	(kren, leh) lbiw lbiw }	(iaid)
daiñ daiñ	(shop) sam sam	(khriat)
jraiñ jraiñ	(sist) siw siw	(khrait)
ngang ngang	(baiong) rem rem	(par)
ngai ngai	(tlot) riw riw	(angew)

kui kui	(mareh) miar miar	(dap)
kyntup kyntup	(iaid) siaw siaw }	(kren)
ngeng ngeng	(khlieh) biaw biaw }	
khroi khroi	(shong) sip sip sap sap	(kren)
khrai khrai	(rit) hu hu, he he,	(iam)
lew lew	(shit) sui sui	(riew)
rymbiaw rymboiñ	(leh) tiw tiw taw taw	(dum)
boiñ boiñ }	(ran)	
baiñ baiñ }		

LYNNONG XXXVIII.

KA KTIEŃ KHASI

Ki Adverb (shuh shuh)

Na ka bynta ban pyni rukom shuh shuh shphang ki *adverb*, ngan thoh katto katne na ki, lem bad katto katne ka jingbatai ia ka jingmut jong ki. Ngan thoh kham bniah tang lai tylli ki ktien, “iaid”, “mareh” bad “kren” bad ia kiwei pat ngan shu thoh tang iwei ar.

1. Iaid kjik kjik ;—haba iaid i kumba ym ibit pyndei khyudew shuh ia la ki kjat.

2. Iaid kthai kthai :—haba iaid pynnoh than eh ia la ki sai jaiñsem.

3. Iaid, kren ne leh kniah kniah :—haba iaid etc., i kumba ym ikwah iakren briew shuh.

4. Iaid khyrwiah :—haba iaid kumba dang ~~hah~~ na ka jingpang jur.

5. Iaid jarawaiñ :—haba u briew u long uba jrong bad u iaid bhabriew putet.

6. Iaid ne leh kynjriang :—haba u ne ka briew ki bhabriew, bad ba i iadait bad ka ryn-ieng jong ki.

7. Iaid kynthem :—haba iaid da kaba pyn-noh than ia ka boh khaila.

8. Iaid kynjing :—haba iaid tang da la ki pohjat i kumba khlem dei khyndew

9. Iaid kynthew :—haba iaid i kumba nang bud kiei kiei na shadien.

10. Iaid thud thud :—haba iaid i kum ban jynthut.

11. Iaid der der :—Iaid pynating than ia ka ka met.

12. Iaid rathew :—Iaid da phong da ki jaiñ jot.

13. Iaid kai kai :—Iaid kumba khia lem bad ka jingkhieh jong ka met.

14. Iaid kep kep jep jep :—iaid suki bad namar ka jingheh jong u ym i skhem satia haba u iaid.

15. Iaid kthok kthek :—haba i kumba iaid kynjih.

16. Iaid kyrbeit :—iaid pynat shadem bad kyrdem kjat do.

17. Iaid shuñiew :—iaid suki than bad iaid khlem rah ki kjat.

18. Iaid thut thut :—iaid kyih eh kum u nongloh bymman.

19. Iaid thwet thwet :—iaid stet than, i kum ban sa hap sa ki jingkit jingbah na la ka met.

20. Iaid syngkoi :—iaid ran la ka met,

21. Iaid khnek khnek :—iaid kumba dkoh (kum haba la thait iaid).

22. Iaid byrship :—iaid kum ban kynduh sa la ki khohsiew.

23. Iaid kynphud :—iaid kynsan eh i kumba ym lap briew shuh.

24. Iaid tub tub :—iaid kumba ym sam kwah iaid.

25. Iaid kyrdem :—iaid pynkynduh kynsan
ia ki kjat.

26. Iaid shen shen :—iaid kum uba buaid
kyiad.

27. Iaid pangah :—iaid pynkhih ia ka met
shane bad shawei.

28. Iaid padat :—iaid pynkhih tang ki kti.

29. Iaid kulmar :—u bym thikna shuh la
ka kam.

30. :—Iaid kynjuifi :—ha jrong kum halor
ka hati.

MAREH.

1. Mareh kdum kdum :—mareh bad kyrdem
(ki khynnah).

2. Mareh khram :—mareh than, haduh ba
ynda kyllon sa kiei kiei ruh ym man da kheiñ
satia.

3. Mareh shram shram :—arsut sha riat
kum ka khiat ka skei.

4. Mareh thait thait :—khlem sangeh shuh
haba da pynmih la ka bor baroh de.

5. Mareh sia sia :—mareh kum ban duh
mynsiem.

6. Mareh ling ling :—sting katba lah, tang ba dei tang hajan.

7. Mareh ping ping :—stet eh bad kyrdem (ki rangbah).

8. Mareh thar thar :—stet bad pynsting ia lade.

9. Mareh thiaw thiaw :—mareh beit khlem da kyllain.

10. Mareh bak bak :—mareh khlem suidñiew iaci iaci ruh.

11. Mareh tiw tiw :—shu mareh tang biang, tang ba khlem ñiew wat lada hap ka jaiñ la ka nep ruh.

KREN.

(Kham bun na kine ki leit bad ka ‘leh’ ruh).

1. Kren rhah :—kaba kren bishni.

2. Kren lynter tait :—Kaba shu kren khlem thait hynrei ym dkut.

3. Kren dkoh :—ka bym kren khuid,

4. Kren sa :—kaba kren bitar kren atnud.

5. Kren sah :—kaba shu kren ia kajuh bad khlem thait.



6. Kren thlia :—kaba kren bun ktien bieit.
7. Kren hor hor :—kaba kren khroh bad jem.
8. Kren hynñium hynñium ;—Ka bym kren shai.
9. Kren khmot khmot :—kaba kren bitar eh
10. Kren mata madei :—kaba shu kren thurmur.
11. Kren ngiah ngiah :—kaba kren thawdur ban sngewtynnad.
12. Kren syllok :—ka bym kren shai, kaba shu lam na sha jngai.
13. Kren dothait :—kaba kren stad bad pnah.
14. Kren hong hong :—kaba kren eh bad khlem akor.
15. Kren pisa :—kaba shu kren ba la kut lad.
16. Kren kulmar :—kaba shu kren khlem fngmu.
17. Kren mynathi :—mut da kumwei kren da kumwei.
18. Kren dukhi :—kaba kren tim.

19. Kren kunok :—kaba kren . kumba iathuhlypa ne batai ia kiei kiei.

20. Kren ba tip :—kren kum uba tip hynrei u bym tip.

21. Kren pahuh :—uba kren riewbha.

22. Kren lap lah :—uba iaknieh jingkren bad u bym sngap ia kiwei.

23. Kren mrad :—uba kren runar.

24. Kren danda :—uba kren lam thok lam thamula.

25. Kren thok :—kren shukor.

26. Kren phawer :—ka bym kren shai hynrei shu lam na shajagai.

27. Kren thap dap :—kaba kren da thew ban pyllait ia kiwei.

28. Kren teh teh :—bym lait kren bha lam thlun.

29. Kren ruma :—kaba kren bieit khlem jingmut ei ei.

30. Kren duh ei :—ka bym long ei ei.

31. Kren jli :—ka jingkren ba sngewsih.

32. Kren saitmet :—kren bym kwah ban sngap.

33. Kren kyllaiñ :—kaba bym kren belt, kren pyndum.

34. Kren than :—kaba palat ia kaba dei ban kren.

35. Kren hiaw hiaw :—kaba bym sawa bha bym shai kdar.

36. Kren lyngkut :—bym bun ktien hynrei kaba eh kaba thar.

37. Kren mon :—kaba kren katba mon bym don mano mano ba khang.

38. Kren da thew :—kaba kren donakor biang pa biang.

39. Kren bidong :—kaba kren pyrkhing bymaili.

40. Kren tohmet :—kaba kren beifi kren eh kren than.

41. Kren beiman :—kaba kren bym sngew-nguh.

RECEIVED
State of Texas
Library
Billings

**Khasi Jaintia Presbyterian Press, Shillong,
10,000 O. 1990.**